

道園續彙序

自昔文章家著述之盛其集有內外

前後續別之分蓋由其體制有同異

歲月有蚤暮故其編纂彙次之法各

有所存然其文之可傳者雖片言半

簡皆不得而棄置又復有所謂拾遺

者焉



國朝一代文章家莫盛於閣學蜀郡
虞公公之詩文曰道園學古錄者其
類目皆公手所編定天下學者既已
家傳而人誦之矣然其散逸遺落者
猶不可勝計也其從孫堪乃為博加
討訪積累之久得古律詩七百四十
一篇而吳郡金君伯祥為鋟諸梓是

編之傳其殆所謂拾遺者乎予嘗獲
執筆從公之後而竊誦公之詩以謂
國朝之宗工碩生後先林立其於詩
尤長者如公及臨江范公蓋不可一
二數也學者讀乎是編則知其殘膏
賸馥所以沾丐後人者多矣今公已
不可復作予是以三復是編而為之

永慨也抑公平生所為文無慮餘萬
篇今道園錄中所載不啻十之三四
而已然則并加討訪而使之盡傳焉
豈非堪之志而予之所深望者乎是
故昌黎之集成於門人河東之集託
於朋友惟廬陵歐陽公之集其嗣人
能致其力焉若堪之汲於此其心

可謂無媿於歐陽氏矣堪字克用一字勝伯
好學有文能世其家而公之行能官
伐已具於歐陽內翰所為碑銘茲不
著至正二十年正月十日金華黃潛序

道園續藁序
故奎章閣侍書學士蜀郡虞公道園
學古錄其季子翁歸與公門人之所
編今建寧板行者是也書始一出如
景星鳳凰士爭先覩之為快而湖海
好事者復輯公詩另為一編然與學
古錄所載時有得失予意其蒐葺已

無遺憾近於一士友間每見公詩
文皆公所親筆較之二集中多所不
載然後知公之篇章在世不能無遺
佚者予外姪克用公之諸孫也好古
嗜學蚤夜不倦聞士友間有公詩文
輒手編成帙如是者累年積其所得
凡七百餘篇皆板行二集所無者遂

分類編次為六卷附以樂府題曰道
園續藁屢欲刊之而未能也近克用
假館于吳江之金君伯祥家伯祥之
先君子樂善公至治間嘗識公于吳
蓋平日之所欣慕而樂道之者克用
偶出是編伯祥亟命鋟諸梓觀其所
好可以知其為人矣噫昔虞公南來

予以總角獲拜公於錢唐時予從姝
祖母家氏傳涉書史嘗手書蓮經一
部一日出以示公公不勝渭陽寒泉
之思至賦七言古詩辭極淒愴且手
跋於後者垂數百言今二集既不錄
而予又不能追憶以附克用集中可
勝歎哉然觀克用所編凡公平日之

雄詞健句膾炙人口者悉已收入則
其所遺者僅一二而克用之用心尚
未已也予嘉克用之用心伯祥之好
事且因其請而為識于篇端云至正
己亥夏五望眉山後學楊椿序

道園續蒿宗綱目

卷之一

古詩四言

古詩五言

卷之二

古詩七言

律詩五言

卷之三

律詩七言



卷之四

卷絕句五言

六言

卷之五

卷絕句七言

卷之六

樂府附

鳴鶴餘音

綱目終

道園續景卷之一

雍虞集伯生

操

釣雪操

鑿方池兮山之曲仰喬松兮倚脩竹四時來兮無不
足歲之寒兮天雨玉雨玉兮滿庭予何思兮折芳馨
魚潛淵兮亦在藻言將求之以忘老鯨鱉兮鱣鯉有
酒兮多旨霏霏兮來思上友兮君子

古詩四言

致樂堂詩

致樂堂者集賢待制周君之所以奉母者也蜀郡

虞集為之賦詩曰詩周南仲子君子善頌文則多有
翼翼新堂有闥有房夫人來居既安既舒既好既寧
載煥載清言闥于門以寫我誠有齊其馬有仇其軒
為子來者允貴且賢貴容舒遲賢有令儀爾因爾宗
先君之思翕爾兄弟具于嘉旨我飲我食先君之子
詩言溫柔禮言著存我撫我惠先君之孫樂哉誰氏
維周壽母疇克致茲周南仲子君子善頌文則多有
又永歌之以導燕喜

萬戶張公廟堂詩并序

大德辛丑昭勇大將軍河南征行萬戶鎮通州張
公以其兵後征緬死之通人作廟以祀公三十年

東間朝之公卿大夫士能為文章者莫不為之有所
製作泰定丁卯公子御史亦俾予賦之集以為征
緬事始末在朝諸君子則知之矣通州僻在江海
之際其人何自知之況又遠乎且不著夫狂夫首
禍之故成宗皇帝聖明卒致其罪則公所以不
肯隨其構陷必甲冑以死之意亦終不白於通人
未之將來也故稍原其始而道之庶其有考也詩曰
於赫世皇並用豪傑一定宇內橐厥戈甲既久既
安成宗繼之祖功莫加道在守持狂夫興謀以動
相國曰昔祖宗咸尚戰克萬方悉來史皆前能我
獨無名曷稱繼承蠢彼西南翳叢負固聚落八百各

統女婦人強善驕馬貝競豪豢豕于牢黃金飾槽取
 而有之富可足用赫乎功多以世智勇相臣以聞
 天子曰嘻有是言哉汝其試之狂謀既售諫言不入
 既賦軍實弓鉞仍戢餽饟啓行萬里騷然飢危蹈毒
 未戰已捐番番名將天子爪士鎮于江滸天子
 所使狂夫忌之承制驅之詎思國謀徒逞厥私將軍
 慨言死我臣職可陷者身不陷吾直見制鄙庸豈我
 名兇心知無還况冀立功與其矯誣死彼狂手孰與
 奮擊不喪吾守孤旅轉戰深入不回殺僂既多身卒
 死之三軍失聲萬士喪氣孰明公心君門萬里裹革
 東歸遙遙江壩部曲候迎悲風旆纏民懷其忠士感

其義虎奮鷹揚如見其至卜廟得吉東望際海神其
 妥之有永無壞狂夫辱國天子震怒立呼狂豎斬
 以大斧狂罪則誅死事奈何褒封哀榮百世不磨豈
 惟不磨元嗣御史既有兄弟又多孫子奕奕勲門秩
 秩良材天之報忠豈有涯哉

栢堂詩

崇仁劉觀母熊氏有貞節觀作堂奉之翰林學士
 吳先生有記藝文監丞揭曼碩氏作頌朝賢多繼
 宜之元統癸酉集歸自京師亦為之賦焉
 翼翼新堂深明高安嘉樹在庭維栢桓桓霜降露濡
 載寒載溫歲以序遷我有恒歡惟時壽母來居來言

昔扶弱支今撫其繁先君之思永矢弗指視此庭堅
不忘以存肅肅令子敬共前聞婉婉有容郁郁有文
宜其室家長其子孫煖日扶輿涼風進軒駕言忘憂
游息山園閣度淳珍匹汎壑芬樂時和豐具養無愆
孰栖爾栢翺翺其鸞里人瞻之孝慈之門君子有言
德風攸敦敢告司藝善培根原

題胡徵君器之和陶軒

春木晨榮秋華夕滋流雲行天逝者如斯柴車葛巾
曷能歸來我懷古人徒頌其詩有美君子尚友先覺
靡觴不吟無詠不屬豈無他人孰此追躅優哉游哉
君子之樂吾儕小人力絀乃休猶可以馳曷其停軸

卷舒無悶入聖寔優敢以未成竊方前脩祖德之述
尚論其世我獨何為夙墮羈繫聞君贊歌祇以生愧
既曰知非請勗餘歲

集讀書山中時草屋三間以紙糊其壁舍弟仲常
為書邵子諸詩於東謂之邵菴書陶詩於西謂之
陶菴吳先生見而歎之以為世內無窮之悲世外
無窮之樂也

心遠堂詩

渺渺平湖其際維山飛鳥載雲晨往夕還平湖瀰瀰
薄于山止雲窮于飛目力無際慨昔周游山川邈悠
忽焉興懷一息九州千古既往萬古方至悠悠我思

譬彼逝水樂哉君子其居深深不遨以寧式究厥心
題上官樵寓

青松為關白雲為戶其迎無賓其任非主假夢得鹿
遇奕忘斧不去不留是曰樵寓

東坡戴履圖

謫居荒濱無誰與語言從諸黎歸在中路風雨適至
借具田父信童怪隨傳像畫者笠以雨來履以泥行
匪以為容用適其情朝衣軒車固將若驚怕服爾假
猶不予寧含德之厚混迹於俗魏魏勛華天章轉燭
幽囚野死曾莫指目我不自忘的致凝矚偉哉天人
其猶神龍其來無迎其去誰從形擬猶差矧是飾容

世無其人神交或逢

洞賓像

洞庭無波明月萬里我時見之劍若秋水

王清道士魚障

春雷發聲風雨時至古石龍門一躍千里我服神丹
得為水仙鱗鱗媵予飛朝九天

墨蘭

遍游楚澤枝訊葉辨使讀騷者得見真面
好風東來其葉紛披所不隨者懷芳自持
歷沅跨湘無二無雜向一毫端生分別法
日莫無雲微風扇和樹之百畝寧愁其多

東人結網西人漑，鬻滄海長流。吾獨何心。

次韻答袁伯長學士十首

衡門有一士，閉戶守玄一。脩之三十載，深不願世述。

晶光無淪降，赫二抱靈質。終然不可揜，煦物若春日。

斗酒相勞苦，聊樂不為怠。菹醢備百索，嘉此歲無害。

馳驅廢穡事，每為同里慨。縣官庶能念，中歲得半代。

春花好顏色，持以勸君酒。君今不識察，後竟侶今不。

悲歌無轉喉，拙舞不運肘。生不與世諧，死寧同世朽。

少年學為琴，豈惜為君撫。知音不在今，在昔或可數。

遠遊竟不值，歸將托幽阻。念子獨我求，龍門作風雨。

雞鳴當知晨，草生當知春。出山復懷歸，永愧先幾人。

飛蓬離本條，縱浪隨風塵。流水東入海，逝者何跋跋。

兩丘各峩荒，隧下深迫狐。狸號其顛儀，秦此幽宅。

二子昔在世，徃復相十百。所以學仙人，劇飲謝天厄。

跼蹐鳴趙瑟，揚眉鼓秦弦。遠奔萬金室，窈窕若雲烟。

安知碧草晚，飛光無復年。聲名竟不立，淪落世羞傳。

疏傳出漢廷，決去豈不偉。未能忘懷樂，日問金餘幾。

陶生行乞食，何有口腹累。鄧郎臨死時，不復著簪履。

少年頗濩落，偃蹇無所承。長大不得食，常持一半冰。

昔為井中泥，今為井上瓴。未得復故初，灌輸効微能。

梧桐失故蔭丹鳳蓄餘戀去之千仞端十載始來見
高秋竹無實忽恐復遠昆丘玉為田為子採芝箭

園主云云早起

馳騫亦已久淹留竟何成疇昔夢至家屋舍還欹傾
晨思理垣墉夕念鉏榛荆唯恐歲年莫惕然心為驚
歸去非有難納履斯遄征永言得安居庶無愧平生
時運忽在秋觸目非故先哀蟬厲短噪雜英綴微鮮
昔人知化育能事本無言翕然變時雍皞皞同其天
斷琴具斯意一鼓三絕絃寥竟何補戚徒自憐

夜坐

露坐廣庭夕海氣接清顛毛髮感森爽幽憂集中抱

寄身百年內變化不待老區區事形骸所競非所寶
昧茲動靜間生理誠草草聖言就湮沒迷散費探討
所恨精力微何以相斯道
溽暑多蚊蟲起滅尋尺內稍思出夷曠高眠釋煩憤
凝神一無為消息任徃徠怡然以終古熒熒自乘載
消搖日月上下視眇蘇塊如何在世間動輒為形碍
得見王子喬吾將解蒼珮

遊長春宮詩分韻得在字

神宮古城端千里見畿內幽關挾北戶連嶂瑣西黛
南樹蕩何極東溟眇無碍中天積紫翠雲氣常靉靄
孰云萬有賾攬括固茲在竒懷得縱觀指顧生百慨

天風政浩蕩春物尚茫昧
翻愁目力短奕奕飛鳥背
永感神禹迹願托穆王載
仙人騎黃鵠一往不復徠
忽然會予心雲中贈雙珮

題張希孟凝雲石

海石不盈握隕然如委雲
危岑集遠思虛竇棲微熏
天高泰華斷日出香爐分
几研襲清潤文章互網緼
潛雷起神谷震驚天上聞
亟視恐無及化為九龍文

題許愿天抗雲樓

城居苦迫隘層闌上峇堯
措身方丈間千里心目超
可以抗浮雲誰能顧塵囂
擬峴有古臺遺碑正蕭條
子固若星斗其魂安可招
龐公輟耕際頗懷見凌霄

賦詩托飛鳥長空何寥寥

次韻袁伯長贈陶心山

憶昔白雲君高居保黃寧
夕煉黃帝鼎晨注神農經
羣真時滿坐逸響每盈庭
寸田既無畔幽關那有扃
飛凌萬物表婆娑垂帶鈴
歸來塵世外曾孫宴虛亭
所志在高遠三峯列青冥
頽然得所止一念三千齡
崑崙安明珠旭日曜帝青
槃桓有童子松根求茯苓

送周東揚赴零陵分韻得鳥字

拂劍池水秋理棹湘江曉
地古記載多時清徵發少
雨洗崖石文風作林谷
宵應上朝陽巖東望聽啼鳥
魏氏園亭分韻得池字

託好自故國傾懷得新知授館澗谷居張筵芙蓉池
高僧攝香至清唱入雲遲況陪兩時彥羣從俱忘疲
仲夏乃積雨水花各華滋高柳尤故物臨風綠披披
曾見百年外飛蓋來參差隆替與時邁百室無一遺
盛德獨能遠感慨更共之西風白鶴表落日滄江湄
二老昔並世遺書方在茲勗哉保傳業子孫以相貽
乘夷萬年喜雨分韻得須字
下車未逾月十日九馳驅祇知府事殷不聞燕寢娛
傳呼當夙興落月啼城烏中衢塵不動肅肅來車徒
借問何所往高堂集羣儒列坐多皓首魏冠講唐虞
遂以青衿升鼓篋何于二
是時天氣高市童雜呼雩

風雲東南合倏然靈雨俱緩帶却煩劇清涼變斯須
麗澤深有悅羣生亦昭蘇逍遙池閣上何必欣戚殊

鄭同甫書帶草軒

六籍父將墜鄭君家多書韋編苦易絕掇拾以蟲魚
幽草長春雨參差在庭除紉結可束素垂之仍有餘
焉知廣文舍猶如不其居光風動交翠汗青羅綺疏
熠燿照屋壁烟雲隨卷舒春夢不可長蟾輝墮簷虛
故人舊題字使我增欵歎

朱秀之杞菊軒

高軒何所植杞菊交根枝紫實既秋熟黃花亦晚滋
嘉名信共愛何以療予飢此邦號富庶士賈志懷資

蕭條山石間誰復見惇嫠遺脫無并餘椎剝無完肌
縱彼百畝受豈得安耘耔種此頃步內庶無征奪思
採擷勿違節身芼貴有宜三咽可千歲逍遙奉天隨
某游吳中因省墓山間頗見田野有可念因贊高
軒之樂而及之庶觀風者之有采而知之者
吳郡故有金氏名章者仕宋為迪功郎家饒于貲
而好施予子孫相承以孝友著稱迄今室居尚存
五世孫在讀書飾行鄉里尤稱為善人君子嘗手
植柎樹于家其本初甚微未幾益滋茂因構軒于
傍名之曰柎軒某嘗登是軒遂為賦詩以紀其事

在字潤甫樂善其自號云

東南有嘉樹蔭彼君子居君子稅侯裔積善慶有餘
俛仰二百年猶是舊室廬一朝種茲樹翻然向庭除
種來能幾何倏爾凌空虛亭二結根據枝葉交扶疏
高軒構爽塏對此頻軒渠芳春膏雨沐炎夏薰風噓
君子日夷猶澹然塵慮攄對客共譚笑課兒事詩書
昭昭穹壤間此樂復何如竭來數十年此樹高於初
信知君子德歲久同發舒願言繼封植勿共荆棘鋤
庶幾魏公槐于今復權輿寺地開封贈書聖高三五
聽秋軒為僧賦蘇門答三和圖甄普蓋
道人攝袂袞袞深坐滅盡定長松結層霄密竹生晝暝

龍吟崖石陰鳥度池月瑩秋從何處來觸塵成我聽
 振空林外錫旋復室中磬耳門證三昧圓應普虛罄
 所懷丹丘生春夢一擊醒等此聞性觀素壁寫三迳
 積水之極蔚然中丘渾侖穹隆匡廓扶輿就之若
 虛履之若浮人不可到也而仙者居之以其園中
 而方外也謂之壺焉聞有何公真人有依綠之園
 蓋取諸水也又有玉壺之堂殆假此與會稽鄙夫
 曰先天地生巍巍尊高旁有垣闕狀如蓬壺曲閣
 相通可以踟躕且王者積陽至剛純粹之精取類
 孔符哉看雲叟曰是吾師也子為我賦之乃賦曰

真人德孔容治生尺宅間外質謝追琢中虛保堅完
 合璧映華蓋懸珠隱泥丸天地立有極日月循無端
 晨從密霧入夕與飛景還足履五文絲首冠夫容丹
 行厨膳琅膏燕坐以盤桓弟子看雲叟疇昔為我言
 往見不可得期之三千年

五公昔講時聽者不起坐虛空悉銷殞何由見人我
 名字誰與安說義話已墮尚自無亦無更問可不可
 不見天雨華誰能拾餘朶山中

山中積雪盡江南春水多解劔還尚方朝衣挂松蘿

道園集一
城門望羽節扁舟聞櫂歌故園良已適昔游將奈何
閒雲棲古樹空壇遺落花何時兩衰鬢相將照江波
不長天雨次韻鄧善之游山中

杖藜入南山却立賞竒秀所懷玉局翁來徃納履舊
空餘松在澗仍作琴筑奏徘徊龍井上雲氣起晴晝
入門避霑灑脫屐亂苔甃陽岡扣雲石陰房絕遺構
澄公愛客至取水極幽竇坐我蒼蘆中餘香不聞嗅
但見瓢中清翠影落羣岫烹煎黃金芽不取穀雨後
同來二三子三咽不忍嗽講堂集羣彦千鐙坐吟究
浪浪雜飛雨沉沉度清漏令我懷幼學胡為累章綬
真入道園集一
題王眉叟真人溪居對月圖

長松千尺起白石下磷磷隱居愜素念燕坐見閑身
溪流宛無異月色亦常新悠悠宇宙內住亭名主人

題天台柯東谷

汎觀天台圖始識柯東谷草樹何蒙茸循澗入深曲
升高雲繞身厲淺石嚙足桃花一千樹隔竹映茅屋
中有學仙子黃庭晝常讀俯聽下玄鶴遠至馴白鹿
疑是司馬君高繼陶生躅臨海賓出日藝圃收種玉
除是太白來此句方可續

題春山曉行圖

置屋雪厓陰畊田雲洞表積雨白霧收遠林翠波曉
農人告春及扶杖驚窈窕久與塵事違冥鴻送孤矯

景入古春山居避暑圖
急雨山泉落長松激回風靈響從天來夜高旦彌雄
龍眠九州虛鶴起曾霄空羽衣者誰子從我入雲中

秋江待渡圖

江潭秋水落臨流送將歸微風蕩去楫相近更遠違
違客從一翁吹簫白雲飛我乃命黃鶴乘之待前磯

雪嶺盤車圖

玉關積雪高十里百盤摺橐駝便平闊望劍已愁絕
時平無從軍道遠可由竭惟應飛行仙萬仞俯瑤闕

雲屋圖

曾山出雲氣還自為文章木石共蒙被容華生老蒼

朝來既非跡夕往亦何藏道人宴坐次見之以為常
了知不可繪相對聊徜徉

群鮮朝鯉圖

吾嘗觀剥象貫魚何翩翩其類實繁多咸仰宗厥顛
金鱗三十六其數陰已極用變乃純剥飛躍見天則
於惟君子升大小宜畢興雷風既動盪雷雨方騰蒸
倦客年五十讀易未知道觀物每興懷玩心以忘老
爾時卧田里所願得豐年欲占小人夢乃為畫者傳
謝吳宗師送芍藥名酒
講臣不常參寂寞奉朝請故人得好花持贈迺兼秉
金盤日中出品目標禁省一萼重數銖大與牡丹並

醲香實尊貴深婉更和靜居然荷慰藉相對空畫永
起求神農經錄在淮海境天天美厥草曾不耀朱景
上京素高寒夏至冰在井沙草不滿寸苞葉成枯梗
同生非異土榮悴何不等此豈夫容丹逡巡太陽鼎
灼灼天女嬪魏魏步搖整盈盈綃卷膚況彼南國迴
移置諒不可孤賞且深領雖與名酒俱絕飲畏停冷
頗聞好事者采擷置茗刀圭果三咽五臟化俄頃
文章麗出日儀鳳同煥炳言誇衆應疑所貴仙者肯
次韻天台張秋泉

張侯殊可人長著百斛酒吾來輒取醉未晏卧翬在
吾意適君會斟酌愧勤厚清濁無所嫌但喜杯在手
不負頭上巾每懷陶五柳

寄青城道者

海上別妻子山中求茯苓白虎戲玄渚蒼龍護黃局
燒香招五老行厨庖六丁從子似非遠丹霞粲華星
十月十八日聽誦道書

崑崙極高大九巖冠其顛空洞蓄幽眇細縕遂迴旋
真情忽恍際純明徹幽玄倒景俯白日浮氣堆紫烟
竒文妙變化靈響合自然降神作賢聖理物成歲年
古書二三簡殘缺忘所傳中夜坐燒香微吟思至言
身生堯舜後意在羲黃前墮然泯知識經時雪垂肩
陳溪山先生留山齋春日賢即來省具酒

為樂其賦此詩

齋居愧幽寂君子肯辱臨怡然推夙好曠懷明斷金
席間奉容止朝夕副所欽春陽汎物華時雨流泉深
戶牖啓宿莽新衣振塵襟諸子共來省森如羣玉林
嘉蔬薦甘旨芳酒逮朋簪伐木美嚶鳥鹿鳴歌野苓
衰病晚聞道力弱嗟弗任詩書實世業冠纓匪斯今
顧望羞龍斷汗潢溢蹄涔守約易循理足欲資陸沉
仄聞太丘長率物由平心敢因先覺言發予小人箴
豈弟勗明德鳴鶴方在陰

病起謝陳溪山及齋中諸友

良夜聽春雨清晨對晴昊沉痾適去體行庭寫幽抱

鳴禽在嘉樹方池接生草扶策流水濱灑濯悅澤好
幼稚勝矜鋤勤蓄慎相保歸還讀我書聖言事探討
親朋一時來藜藿薦行潦敬恭奉天明松喬不知老

送會稽宰進士夏仲善

會稽吾故鄉今喜得廉吏三仕彌固窮不愧親策士
故鄉伊可懷西去廿餘世清流逸脩竹可想不可至
知君垂朱紱吟嘯了公事還能探禹穴莽蒼思古始
太守文字交僚佐足風致汎舟溪雪前列坐惠風次
詩成可繕寫千里以相寄守白也達兼善也

送豫章熊太古兼寄蘇伯脩參政

豫章有家學禮樂不見收為養不擇祿淒涼向炎州

攬結桂樹枝誰為玉雪謀十年一再見我老君白頭
古劍光陸離繫以珊瑚鉤激昂文史間未愧班馬儔
蘇君天下士定價琳琅球江漢方渺然為我觀素秋
長吟以相送明月在高樓
南山有鳳雛飛來上林樹祇承朝陽輝不食秋夕露
珠零海氣盡壁毀月光曙巫陽不能招荔丹滿洲嶼

答胡士恭二首

王母昔賜我一雙白玉環懷之四萬年恒在胸臆間
偶因朝公識之為開顏忽然化黃鶴飲食崑崙山
漢武好神仙多欲心不閒所以至太液遂從白雲還

鵬運候風信龍起從雲飛神物本無待感類相因依
高人服金丹質化識者希引睇貫霄漢倏忽歷九圍
駕言清秋鶴同承太陽輝何期老鍛翻素心竟成違

書昔人出入西廣詩後

道路無險難征人故多傷窮愁一酌恩感舊忘他鄉
九疑不能從二妃在瀟湘無以寫幽思吹笙為鳳凰

宿紫極宮新樓

野人入城府且就雲房宿東瞻蘇翁亭南望孺子屋
相從總君子寒夜對明燭閱世如雲烟進道貴金玉
取泉總持井烹茶武夷曲踈梅折高枝蕭閒對晨旭
欲寄高軒人脩眉遠山綠

秋江亭

白沙積高雪有文見川交華星垂光彩沉壁依潛蛟
偉哉江海客結亭在其郊流波散席上絕岸當空坳
靈槎八月至垂綸向鯨鰲清露集衣裳嘉魚薦壺匏
賓客歌白苧微颺激林梢

韻陳溪山送搖扇

念我久坐雨貽詩遠來旬遙知治寸田隄防固嚴闔
憂樂無嬰女懷蕩蕩義黃人自信知者稀虛名非所親
南薰待披拂感此時物新無由奉言笑泥塗滯周輪
長策豈手容招搖遺間身受經浮丘伯老矣弟子申
何以荅佳貺執御從後塵火傳思為薪烹魚溉河濱

贈喻仁本

早從中州遊希孟實豪傑穹窿如喬嶽培塿謝軌軌
侃侃買燈疏英主動容色賢子瘞黃壤感痛解朝珉
朝遊長白春暮踏歷亭月慨然得終身屢召不踐轍
兵關中飢特起救焚烈反袂傷道窮委頓成殞絕
賦詩哭遺直好事為鐫碣爾來二十年江海鬢如雪
每興故人思遠道歎睽越忽逢喻先生江上倚舟楫
久為濟南客山川類能說共言中丞舊流水助嗚咽
更出中丞書歲久字不滅交誼貴久要於馬見高節
問君將何之束書向京國豈無同門士簪笏在周列
觀人以其主論薦共持揭敢為祿仕勤聊以誦明哲

古人不可期長風起天末
三月三日午後隱几夢館閣諸舊遊存沒參坐陳
衆仲舉盃相向曰旅甚思公亦知公之深思旅但
不得見爾記得有詩六首其末句云萬死起俄忽
只是一思憶是孟浩然作為是白居易子曰殆是
孟詩但不記得感動而覺是年夏聞陳亡
隱几暮春雨夢見舊知識瑰奇秦漢刻墨本在東壁
論辯如平時契闊增歎息就中東海生顏色殊不憚
停盃不成飲執手道疇昔苦言孟浩然有句在胸臆
萬死起俄忽只是一思憶

題金溪汪尉雲松巢畫卷

喬木多悲風卑枝安可居興懷有巢氏漠在邃古初
浮雲無定姿溶溶滿空虛脫身徃從之一起千仞餘
冉冉愁絕思悠悠隨卷舒白鶴千載來徘徊向匡廬
乘蓋生紫烟捨此將焉如惟有南昌尉凌風一回車

雲林圖

雲林之高峯可望日出海君子居其間旦夕餐沆瀣
三年毛骨換九載神色改翩然升雲去鸞鳳翳五彩
山中有神藥服食多所採寄語學仙子佇立以相待
昔者采芳草青春在中林三秀不並世日莫生重陰

霜雪日已積，萎穉日已深。持獻雖無時，豈忘事幽尋。
齋房夕受釐，垂衣正思欽。霏烟散熏澤，薜艾非所任。
華英發貞本，靈占係同心。錫貢華未晚，庭實生南金。
微根抱山石，新樛本同科。曾不中樽櫨，將置崇構阿。
終焉荷聖恩，早休遂婆娑。雪霜之所餘，茯苓表垂蘿。
時能致佳士，携壺挂寒柯。極目思遠道，含情托清歌。
秋水不盈勺，白雲豈其多。結枝待幽吹，冷然送鳴珂。

紀夢二首

夢見二三子，被服皆古人。雲漢盛履舄，山河儼冠紳。
言非世間辭，靈一作虛音轉彌綸。反思昔遺遠，浩蕩不可陳。
睡覺日在樹，空榻凝餘塵。

東南多名山，衰病嗟遠道。夢中躡虛空，黃鵠為先導。
穹林冠晨霞，遠水澹秋昊。似在松喬間，未覺黃綺老。
飢渴非所憂，清露滿幽草。

足痛吟寄費無隱

足痛不履地，匡坐畏長傲。令人讀道書，聊以釋幽抱。
脩身身不衰，此事聞頗早。涉世得憂患，時至遂枯槁。
茅簷苦聽雨，更愁妨穫稻。分當長飢吟，稚子忽吾惱。
盈約固不齊，受命自玄造。東家種薯芋，健步常為討。
況聞東海上，旅生如瓜棗。食之可不死，所嗟在遠道。
親往未必能，駕言亦非好。

高歲寒吟

邑南有高山隱者浮丘伯弟子遠來求千載真僊宅
蒼崖接天光旭日融五色永言託幽貞綿綿奉明德
南昌惜將隱吳市遂不還茲土獨遺跡丹氣留空山
噓潤被草木含滋及蛭蠃相望世云遠雲中期妙顏
蕭蕭松間雨夜靜殊未止青鐙照殘書白髮隱塵几
園綺德不孤相持一瓢水如何在入境茅茨罕鄰里

賦神蛙

曹南吳生出神蛙相示玄石光潤其口目臂足儼
然如生脊有文點腹若容受蓋真蛙也不知何自
而化石焉有博物者能辨之
貞女望歸夫穹窿化山骨飛揚洞中燕遇雨帖石窟

古時蟾蜍精千載得仙術虛吸服元氣綿眇值通息
形體雖尚存性情已非昔誤食至陰精返此太玄魄
無乃書契初科斗抱殘墨猶與筆硯交君子同几格
幽光感星宿靈氣生倏忽慎爾韞匱藏勿使蛟龍得
錫圭神禹時因之問河伯

道園續藁卷之一

道園續藁卷之二

古詩七言歌行雜句類

雪山圖為劉伯溫監憲賦

雍虞集伯生曾

我家成都雪山東公家張掖雪山北吳船誰載鄭廣
 文起寫崑崙半天白張掖雪融草木長禾生隴畝多
 牛羊烽火連臺擬樓觀江海微茫秋練光著書東觀
 夜如水太一燃藜照圖史從游冠帶文武脩斐然四
 郡良家子君不見黃河奔流百谷盈神禹疏鑿中州
 平極天鳥道雲氣盡惟北有斗西長庚
 大函之氣天涯山歌為崑山公賦

大鹵之虛山有崢彊晉名都古城郭太帝親征西極
還命提師千理鄴鄂三世專居二百年公孫御史籌
帷幕興言諫諍國體重抗論陵夷鄙夫忤九衢塵土
迷白晝萬里天風飛一鷲連山長城下平曠孤秀嶺
巖自天落安車夷猶奉王母咫尺天涯下磅礴振河
載華坤軸穩捫參歷井天梯鑿六合高牕竅空洞日
月容光陰氣薄春鬢翡翠擁烟霧秋水芙蓉淬鋒鐔
東游漫愛華不注西行不到秦關寧上方宮闕何所
有回首穹窿起龍漠天山舊音本雄渾孤鳳一鳴冠
阿閣蒼茫石鼓難為聲野水寒雲不堪酌奉祀曾過
軒轅臺俯仰高深歎今昨汾波橫出衝黃流長感秋

歌入窳廓卷石東南雖有聞安得停車徧丘壑元姚
自是一世豪若比公詩少揮霍有詔無容極幽賞黃
木扶胥求海若前茅度嶺建旌纛後吹凌波雜簫籥
馬飲清泉榕樹陰鴈隨飛雪梅花萼退食委蛇幕府
清明月懸空夜城柝橫槩高吟動鬼神轉鈞妙手隨
斟酌坐令刀劍化牛犢夾岸鯨鯢貫蛟鱷閭風玄圃
在天外玉振金聲為誰作雅歌緩帶有餘暇直道高
情無宿諾百粵皆知白水心羣魚莫恃黃金索國家
將相真有人中外均勞正叅錯請開雲漢分天章歸
理咸韶奏嘉樂老夫當與園綺徒仰聽鈞天佇耕穫

金銅帶鉤屈螭首綠玉沈沈世稀有古人佩劍之所
 遺虛琤尚疑光射斗腰圍老去忘繫拘空服書紳重
 有餘竒哉二物君子贈敢與礪燧同縈紆古者弦韋
 皆有托視我斷金庶無怍循循偃蹇長在手神化翻
 愁入寥廓劍能使我無邪心握之在本用在鐔利鈍
 行藏兩無有一寸空閒通古今他日東行尋禹穴何
 以酬之掇明月白雲滿地歸去來不待傍人三奉珎
 無住和尚命俞岩隱寫予陋質予蓋簪纓
 家子其意亦蕭散因作山偈一首戲贈聊
 發任公一笑也
 我欲自識面莫如鏡中真引鏡實有我卻鏡見無因

俞侯乃善幻作此意生身旁人恣言似我亦愛其神
 但恐年歲久不知是何人俞侯俞侯吾已老百事無
 能勿復道幸自不曾虧損他莫將塵影瞞人好

金人出塞圖

此詩學古錄失傳翰林珠玉已有脫句

海風吹沙如捲濤高為陀磧深為壕築壘其上嚴周
 遭名王專居氣振豪肉食湏飲田為遨八月草白風
 颼颼馬食草實輕骨毛加弦試弓復置橐今日不樂
 心慙慙什什伍伍呼其曹銀黃兔鶻明繡袍鷓鴣小
 管隨鳴執背孤向虛出北阜海東之鷲王不驕錦鞬
 金鏃紅絨條按習父畜思一起是時晶清天翳絕駕
 鶩東來雲帖帖去地萬仞天一瞥離婁屬望目力竭

微如聞音驚一掣束身直上不迴折遂使孤飛一片
雪頃刻平蕪灑毛血爭誇得雋頓足悅掛兔懸狼何
足說旌旗先歸向城闕落日悲風起蕭屑烟塵滿城
鼓微咽大酋要王具甘歡王亦欣然沃焦熱闕支出
迎騎小驥琵琶兩姬紅顴頰舞歌迭進醉燭滅穹廬
斜轉艷鮓月扉

九歌圖

太乙神君號東皇玉質要妙含和陽生生炁始通微
茫綿綿蒸空神中央浮英上羅文天章覆冒下滿谷
與阮旁塞無間靈無方靈來乘柔往乘剛湘君夫人
鎮相望清温靜好非淫傷司命元老元氣昌手執藜

杖色老蒼歷劫壽命不可量少君之壽同其長離無
異體合有常出入萬化終不亡晶明發晨上搏桑海
天赫赫真金芒質鍊不滅長垂光河源混混流湯湯
伯也坐視無迎將千古萬古何堂堂彼幽為厲為強
梁朝狸莫豹方鳴張精魂熠耀志意荒招之不及巫
無良屈生作歌沈九湘世人傳聲罕尋詳祝融仙子
調玄黃九神出箇百怪藏不信請視虞公章

送呂教授還臨川并序

古者仕不出其國五十里百里而已入仕王朝才
千里而近無父兄妻子墳墓屋宅之別而有祿食
之羨車服之華焉豈不便適人情乎哉今國家奄

有宇宙仕者視南交朔易若東西家然則彼出入
驅馳不越乎州閭黨術之間者不亦隘乎呂君仲
謙世居臨川之南山木鬱茂田毛易長仰事其親
俯育其妻子何嘗有意於遠游哉一旦用薦書得
為遼東學官隨牒以行且萬里冬裘不足以禦寒
蔬腸不勝其恒肉雖志氣不變然情能無少違乎
僕願留之館中而不可歸其宜矣故作詩以送之
黃金作臺留好客好客不留秋月白東風吹雪滿衣
襟却賦長歌送行客一作遼東之山醫巫閭六月五月
雪不除昨朝遣使降香去五尺冰上行飛車一作飛知君
江上慣舟楫快馬如龍亦徒設東取來時一卷一作書

還向江波對一作明月我本蜀人隨水來結屋與子相
鄰隈白髮京塵不歸去臨風相送興一作空悠哉

三鳳行贈海東之下第南歸

海東之兄弟三人如鳳皇宵臆羽翮皆文章九年三
入天門翔伯冲天季驚人一日四海皆知名東之之
文五色雲見者眩晃生眇昏三進三已之了若耳不
聞二人得之喜未足云東之不愠乃可尊東書江上
歸見親君子之樂樂最真君不見匡廬之山嶮崿而
嵯峨左界乎豫章諸川會為蠡番其陰千源浩浩導
岷經潛沱山氣東鬱鬱不得去上衝為紫蓋直與天相
摩為雲覆八極為雨漲九河海東之子能觀山以成

德其進蓋未易量也偶爾小訕奈爾何

戴和父歸越

戴先生日飲五斗醉不得再飲一石不肯眠昨從

源來兩袖携風烟長安市上小兒女拍手攔道呼神

仙馬如游龍花如雨蹴蹋春秋作朝暮東方不作

間戲上帝還令海邊去海邊玉虹夜不一作收貝宮珠

闕皆蛟虬芝田玉樹久相待天上老僊那許留戴先

生鑑湖之水三千丈不可以鑑可以釀明朝亦脫錦

袍去歸作與爾酣歌釣船上

題米友仁長江烟雨圖寄柯敬仲

米家自在江頭住愛向長江寫烟雨長江烟雨萬里

餘書畫扁舟在何處古人翰墨今罕存好事千金安

足論憑君寄語丹丘子盍買山田遺子孫

吳中女子畫花鳥歌皇元風雅為人錯刊

吳中女兒顏色好洗面看花二為悄調朱弄粉不自

施寫作花間雪衣鳥綠窓沈二春晝遲半生心事花

鳥知花殘鳥去人不歸細雨梅酸愁畫眉

楊補之掀篷圖

十年騎馬燕山道飛雪如花著烏帽清江不復泛扁

舟况見繁枝挿晴昊揚丞帖筆寫江村滿卷一作荒寒共

郊島君不見金盤玉一作露錦成團胡蝶東家怨春早

王侍御崆峒石雲出靈壑乘閭燕

德符堂中有貞石一握玄雲出靈碧飛潤應能作霖
雨含光自可裁圭璧天根萬古磨不磷窈窕中虛藏
谷神願得微言獻天子千二百歲勤脩身

雪嶺馳車

七月八日山陰道積雪平砂沒深草三日餐冰渡磧
遙重載橐駝發車早當衡比擁蒙茸王庭傳令疾
於風却憐聚落在何國可以踏歌酣馬飼居庸關南
百萬里春雨草青平若砥嚮非羊馬便高寒所不懷
歸如白水

題上都崇真宮壁繼復初叅政韻

故人一去宿草寒而我幾度南屏山琳宮素壁見題

字輒墮清淚如洄灣文章百年世何有如以鈍掘鑄
孱顏瞥然有感亦易散奈此細讀多高閒沈思不見
托魂夢何異落月留梁間支為麒麟飛為鸞黃金作
玦玉作環重来豈無造化意我以白髮遲公還

城南春曉

天台先生有山癖卧起無山朝不食幾年騎馬聽朝
雞磊砢諸峯拄骨臆陳生受意不受辭竟拈秃筆為
掃之既安樓觀對竒石復著梁棧橫清漪游吾舊遊
釣吾釣隔林彷彿聞幽鳥瓊臺何處無桃花此是城
南莫春曉夜來天子傳詔呼先生直上鑿坡趨盤
迴復一萬里無限好山并好水如從島上見陳生盡

寫歸來畫堂重

天台山圖

天台一萬八千丈下視東海如一盃金雞候鳴日欲
出吞吐瀨瀆聲奔雷白雲瀾瀾散綿絮巖巖戴出三
崔嵬一一十十翠撐拄千千百百瑠樓臺玉生染白
作莽碧回風御氣洪濛開古亭高卓盤石上橫舟自
插烟林隈老楓古檜立岸側云可自此登天台尚無
鷄犬識村落况有車馬相喧逐我少學仙意疾得首
如蓬雪俄毯毳臨風每憶坐忘叟深愧失脚無由回
尋常夢游如宿到忽見畫本興余懷赤城仙人王志
和爾家靈寶安在哉人間夢斷何足許存想終日勞

形骸庭間竹葉可舟楫羽衣生雲歸去來

桃源圖

層巒複嶺何崔嵬流泉委注波無迴昔人尋源既解
往孰謂後世無能來徐生採藥渡瀛海生人之資悉
滂沛汎舟一去不復還自是秦皇親為載商於只在
咸陽南城中日見晴嵐四翁採芝到頭白何人往
問窮幽探信知桃源隨地有自為狂馳不回首莫向
神仙詰渺茫且對新圖玩春晝軒轅鄉裏真固師果
得脩身三不衰年穀順成物不疵玄黃衣裳從委垂
學人曾是牧牛兒細雨斜風捲不知豐草長林情似

水懸崖絕壁命如絲不着境子不離境繩杖隨身端
息瞬歷年辛苦一朝忘贏得半川烟月冷君不見大
江東短策依舊隨春雨橫笛何曾別晚風大地山河
等甘露嘉禾成熟萬方同國泰民安諤頌起無言可
贊牧人功老師兄善自牧露地當年已純熟大千妙
用一毫端不是寂空聊自足

澧州謝家通濟橋

澧有蘭芳沅有芷相望涓涓隔秋水蛟龍迴夜隱波
深虹霓乘晨駕空起千年石尉何西東天下有道津
梁通朝祠東皇蒼雲中行人無忘懷謝公

豐州李氏孝義詩

沙中枸杞已成樹的皪丹珠飽秋露蒲萄滿堂間鍾
乳上堂饌食有肥羜壯者已老少者壯蜂房各自開
牖戶此是豐州孝義門莫忘河南李家譜

龍興黃堂隆道宮西華太姆元君飛茆詩

并序

空同子竇君神清與予賦詩于天寶宮予有句云
一瓢春水煮仙茆神清曰噫子安得及此我昔游
黃堂見石舅卿記不載飛茆始末願與同志者詠
而傳之又不暇也神人將啓子而誘其衷乎不然
胡為而及此也予應之曰彼夫容洞中穠麗主者
昔宜不察苦之味也非余孰當賦之乃為之吟云

昔日飛笮渡江水一息秋風五千里憑虛結根土長
苗萬古黃堂咀甘美潔清至淨服食仙不忍獨令身
不死折瓊載卜知吉身連茹包之獻天子

郎官湖李白祠

南交黎侯景高歸朝三十餘年自至元中被

命驅馳軍旅勞効顯著後賜田江漢之上以居

暇日作安南志若干卷示不忘父母之邦間嘗

即郎官湖上脩太白祠皇慶初元來朝大夫士

多為侯賦詩者

郎官湖邊太白祠百年毀壞誰顧之黎侯自是南海
客寂寞湖上看明月間關歸國故時心馬上鬢毛今

是雪春來幾見湖水清春去還看湖水碧今人蕭條
古人遠黎侯此時淚沾臆臨湖作屋祠太白一日祠
成人歎息千年太白豈復存惟有長庚射西極光芒
彷彿雲委蛇黎侯起舞天為泣鯨魚上天終不返黎
侯惆悵坐成晚君不來兮那可期黎侯之心湖水知
湖水波浪湖樹葉風來捲是迎送辭

金馬圖人負金馬睡於馬上

賈胡自騎千金馬解囊小憇荒城下平原無樹起秋
風夢到陰山雪橫野太平疆宇大無外外戶連城無
閉夜不然安有獨行人懷寶安眠如畫者

王晉卿畫赤壁圖

黃州江上霜月白蘇子汎舟携二客虬龍虎豹木石
間玉宇瓊樓歸未得主家遺玦珊瑚鈎丹青一幅千
金酬惆悵圖窮見黃鶴白雲千載空悠悠

趙子昂畫馬圖

憶昔從公侍書殿天閑過目如飛電池邊儘有吮毫
人神駿誰能誇獨擅公今騎鯨隘九州人間空復看
驂騑惟應馭氣可相逐黃竹雪深千萬秋

柯丹丘畫松竹二首

丹丘寫松臨石湖一樹偃蹇一樹枯長年偃蹇色深
黛枯者鐵石能相待令人最憶寒山子曾見松生此
山裏時來石上自閑吟解聽天風半空起

江心石上起烟霧隨意琅玕寫無數就中欲覓釣魚
竿濯足滄浪歲年莫君不見白髮天台鄭廣文前身
畫師今更聞請看翡翠三株樹猶是蓬萊五色雲

陳容畫十四龍

所翁所畫十四龍雲海慘澹數尺中毫端欲極龍變
化信使情狀無一同意冥鬼神造竒迹藝謝狗馬矜
精工徐生家藏隱溪上氣與古劍相爭雄春雨來時
屋壁潤白晝坐對塵埃空持之示我為歎息安得真
見如陳公蓋聞龍乃至陽精無有嗜欲來羈籠昔年
高士隱弗見矯矯衰世追冥鴻千載神明守龍澤如
見潛德遺空濛澤盈出水作溪碧綿綿孫子環為宮

迹聽潺湲似聞餘磬開石壁恐是入化非人寰霜崖
石櫃成異物銀釵負薪多老鬢嗟我老病難再往羨
子較轡無留艱攬衣步出石頭渡解舟竟到星子灣
沉吟三月烟花碧眺望千里楓林殷猿驚鶴怨酬好
語水流花開怡妙顏束帶他年事朝請躡屐安得窮
躋攀行矣此日不再得空山落日騎黃斑

題虎屏

高堂白日靜如水屏間於菟伏將起登車何用卜熊
貌鑄鼎徒聞走螭魅耽仁威謝爪距蔚文章著
深美君不見旌旗不動九關閑海晏塵清千萬里

陳容畫龍

陳容生閩嶠之東骨氣生硬如老龍每拈秃筆掃風
雨自寫其真非畫二曾為吾家作雙劍采石波濤天
下險巴山昨夜春雨來素壁高懸戶長掩

題劉仲明鳴鳳朝陽操

鳳凰昔來何所緣堯舜聖明臯夔賢一鳴不再三千
年孤生懸崖命由天鬱統霄漢纏雲朋虞淵浴日紅
滿川海波淘下盤旋聲與律呂互相宣非度弱水
遊神仙此製不省人間傳

題劉光遠琴泉詩卷後

長沙老人種桐梓手斲為琴度宮徵彈得流泉石上
聲只有巢由能洗耳當時誰與制此名前朝丞相賢

公子黃金不成白髮短聊以高情付山水公子飛仙
老人在目送歸鴻秋萬里老人有子前為壽願翁千
歲長如此已將朱袖拂雲和更釀清泉設重几

玄潭觀劍歌

新年風雨晝多晦解攬東辭白沙外玄潭觀中有古
劍倚棹求觀鬼神會陰崖中斷如截肪玄水泓渟受
前隘欲令開匣猶未敢惟恐雷霆走光怪至神不殺
跡已空藏氣幽深欲何待孤篷歸坐燈影微客為高
歌聊一快鄰舟借具知有無擬掣寒蛟斫春鱸

書昔人出入西廣詩後

戈船將軍昔南下樓櫓衝波當車馬臨流橫槩昔為

誰遷客騷人能賦者桂林近時蠻獠息營帳酬功頗
優暇伏波銅柱高差峩路險難兮莫相嚇

送程楚公子叔賓官海上

世皇任使無南北楚公薦賢動江國當年臺閣多門
生富有文華在賓客世家貴游少者佳祕書奉禮差
可階青衫篋庫東海上極目天津思汎槎豫章得君
豈忘舊引之清波一援手鶯花三月玉堂深共啓黃
封賜來酒

送胡士則

胡君著書昔同館長日據床運犀管功臣遺事動如
山小小聲名何足筭明光殿裏初進書紫衫束帶帽

正烏君王歡喜侍臣賀殿下風暄花萼舒是時親賜
蒲萄酒激灑玉盃先入手承恩歸去各西東共歎文
明古稀有胡君名冠三十人傳詔與官顏色新寧辭
闕下向田里得祿斗升緣為親頗聞山寺近官舍吟
步長廊莫騎馬瀛洲學士如堵墻新折琅玕待君寫
梓潼使君今南雄江心紫玉寄野翁扶持恐是蛟龍
化騰躍似與猿猱同十年乞身不待老鄉人飲酒歌
年豐君不見太乙之精在天上青藜滿地如蒿蓬

寄薛玄卿

故人贈我漢時鏡殘質剝蝕遺空明開奩照見白鬚

髮侶是採芝商嶺生憶昔交游盡冥邈耿耿銀河曉
星落惟有瓊臺瀟灑人長嘯西風滿寥廓

題表姪陳可立青山白雲圖

昔時謝傅卧東山亦未忘情絲竹間微風動塵車蓋
合白苧作衣團扇閑風流一去如秋草我思古人令
人老茂林脩竹何處多雨洗青山青更好

溪山圖

曉日朱方得玄鶴一直衝風上寥廓橫翔八表覽九
州下視山川間城郭清溪縈繞千萬尋金銀宮闕檜
森森商山紫雲何處好惟覺蕭臺秋氣深

畫龍

所翁畫龍妙當世神思已遠誰能繼陳家復見海珠
君也向毫端分九似越藤一幅瑩且完嗟雲駕雨凌
春湍不知何歲因轟掣破卷飛上青雲端
知日未大射虎歌一直衝風北寒
州人布矢如蒿蓬半夜射殺南山雄捲皮帶雪送官
府割肉大嚼千夫同前日東家牛盡啣犬豕無遺人
落膽不知世有李將軍擊鼓報神聲坎坎

刷馬歌

天馬之來大宛國漢帝心馳渥洼域貳師兵甲費如
山毛骨權奇不多得世祖開基肇太平昔日大宛俱
拱北如雲之馬西北來飛控驚塵遍南陌豢養年深

生息蕃即今詔刷無遺跡棕絲絡頭千萬輦戢二駢
頭死槽櫪一程瘡毒一程愁比到燕山肥者瘠吾觀
天廐十二閑五花成隊春斑斑監官喂養盛芻豆年
年騎去居庸關聖朝誰信多盜賊却慮騎氣藏凶奸
駑駘盡從天上去驂騑豈得留人間漢人南人窘徒
步道路相從俱厚顏我今已是倦遊者東家蹇驢何
必借布鞵青鞋取次行正喜不遭官長罵鄉里健兒
弓弩手詔許征鞍常穩跨嶺南烽火亂者誰何事至
今猶梗化君不見漢文皇帝承平時千里之馬將安
之又不見項王一騎烏江渡到頭不識陰陵路

按弓圖

朔風蕭蕭沙草枯避暑南還八月初貴人退食坐平
蕪白日皎皎寒雲除左擎蒼鷹右韓盧手調繁弱矢
滿壺馬驕不受轡勒拘奚奴前執奔塵趨小者伏兔
大於菟上馬一擊將無餘養勇大發神氣舒徒御遠
合獲不虛首獻上殺當黜能連車載橐來徐徐大庖
賜宴日未晡肅肅笳鼓環周廬天子萬壽臣歡娛我
昔歲從行兩都每欲賦此嗟才踈江村父老相携扶
數尺茅簷看畫圖

題游弘道所藏劉伯熙畫

燕城建都將百年喬木往往遼金前宮中屏帳愛奇
古每托畫手馳風烟房山絕筆商山老內府人家跡

如掃畫苑今惟劉伯熙白髮承恩最偏好西山古寺
劫火餘斧斤所赦遺殘枯久經霜雪如鐵石膏沐雨
露還扶踈一夕書帷侍清宴有詔令熙寫畿縣編圖
形勝到巖壑直幹交柯每盈卷游侯綠從自當時閣
下庭前屢見之朝衣佐守南海上袖卷龍髯雷雨垂
高堂風動海水立江嶽驚奔鬼神泣禁直岩堯翠蓋
高誰識行蹤露華濕徂徠新甫何足攀巴丘正似青
城山人間彈指千百歲大夫與我俱蒼顏

汪華玉所藏李息齋古木竹石圖

帝城佛刹西南曲數仞高堂十尋木亦有幽篁春笋
生顛倒橫斜亂寒玉空庭月落蛟龍舞阿閣雲間孔

鸞宿大德年中最熙洽四海無虞年穀熟聖人護念
如慈雲粉金寫經五千軸吳興先生承詔起精藝東
南遂空谷橫窓曲几擅清雅寶氣龍香散芬郁我時
布衣初到京隨客來觀嗟不足棲遲至大到延祐隆
緒遺經蒙見錄聖明天子心廣大仁孝東宮協淵穆
金殿朝回即薦賢鳴鳳高梧麗晨旭白頭寺主愛文
學游龍流水來相續黃鸝遶樹鳩喚雨晴絲入戶階
眠鹿中書右府尚多暇況復西清澹春服薊丘李公
年甚高親書寶篋試拈禿南風堂上住多日好聽晨
鐘赴僧粥枯梢長葉風雨來老可黃華俱眷屬揮毫
相軋李河東共悼房山渺江陸曹南老商亦有名拂

素先傾酒千斛蜀人仲淵不會畫側帽長吟動華屋
蹇予冷撰從諸公元然坐隅若鴻鵠風雲月露不計
時聚散悲歡歲年促汪侯何處得此圖其長丈餘高
尺六松檜蒼茫轉樹腰鐵石差峩偃山腹昔人不見
今人老空憶臨風對森矗後來把筆誰最能閣下丹
丘嘆幽獨令渠見此會傷神況我茅簷措病目文章
精彩寧復還天上華星光煜煜

題寫生手卷贈李道山赴九江茶官

春叢何宵窈窕翠竹啼幽鳥秋實結甘酸溪鳧倚暮寒
後日歲復歲盛年不留老將至湖上新亭早晚成可
以供釣可以問耕看花食實老孫子擊鼓撞鐘歌太

平一官黃蘆苦竹間琵琶船外月團圓故人寫生一
歲事恐有離愁不足惜匡廬山好秋色歸持濃黛作
備眉牕下連卷數峯碧

趙伯高所藏楊補之松竹梅圖

卉木何情同歲寒君子合并嗟獨難冰霜滿地風景
異清脩古節來毫端南渡衣冠憶初合萑葦薰葭搃
蕭颯長身玉立古顏貌欲選疎英變殘蠟西都昔者
畫功臣良工健筆隨風塵尺書黃髮共來往誰見留
侯如婦人江上幽人有真迹俯仰興亡寫今昔丘園
偃蹇非不多獨想高懷淚沾臆

素夫酌酒鍾生清露軒

江西諸侯好賓客彈鋏歸來無愧色學舍如舟安足
居白髮秋風岸高幘鏗爾舍瑟還讀書上天繁露垂
庭除河清有頌芝有曲為我長歌傾玉壺

與族姪孫從善

白頭喜見族諸孫青門為庶夫何言成都桑柘日已
廢儘有遺書堪討論風花寒食江上路墟墓興哀慚
一餐憐爾篤實可進學竭力孝敬思生存

律詩五言 賈氏山房十首

出小東郭

問訊成都宅還過萬里橋鄰墻皂角樹官路綠楊條
部曲都無在茅茨忽見邀滄江沾白雪盡為夢魂銷

巴嶺對秋屏依稀泰華形雙尖天際碧一色雨餘青
牙纛穿行栢旌幢接降靈南昌漢時尉招與步空庭

次韻葉賓月山居十首

冰泮溪流碧雲生島嶼紅輕陰殘夢裏遠樹亂愁中
鷗外兼晴絮鶯邊共晚風地偏山氣近霏靄濕房櫳
落日亭前水翻風雨後荷翠簾明薄醉羽扇按清歌
影淨鷗千頃涼生深一作蟻一柯扁舟成獨詠詩思尚能多
露冷天光逼溪澄夜影圓水花含窈窕山吹縱清綿
為覓洪崖侶重尋赤壁船翻愁孤鶴外迴互萬山連
歲晚冰生壑山深雪擁肩清齋須杞菊甘餌足參苓

水繞階除靜杉依石室青白雲麾不去晝影舞虛樞
綠瑣依松潤紺簾亂蘚斑吹笙花下散飛燕雨中還
有客歸謀酒無言卧看山春禽忽相喚深樹兩關關
綺疏收易卷紫盃罷分茶日暖聊行草風微好看花
行窩君子宅懸榻故人家遠勝騎官馬聽雞趁早衙
霜林收碩果雨檻卧幽芳留客山泉枕分題玉井床
衣裘凝薄冷戶牖宿殘香未信成都遠風流獨草堂
隱凡風簷竹詩成酒病蘇楓屯雲錦陣梅折海濤圖
翠袖開筵出華簪折簡呼移舟速相就玉鱸斫生鱸
簡冊驚前夢文章付後期賞花時命駕愛竹屢題詩
小草顛尤勝深杯醉不辭交游傾四海風雨夜吹簷

風日宜芳歲烟霞樂燕居坐深閑看奕燭冷靜脩書
臘醞紅生玉春盤綠間蔬但須門有客不問食無魚

翠軒開名酒

名酒不可得幽華誰送來秋霜垂鬢髮夕照在樓臺
盡日山公醉何年庾信回喚人吹玉笛移席坐蒼苔
露林外無疑先生不遠千里訪其於寂寞之濱曾
未旬日賦詩留別雖無以款未忍從也次
韻且致繾綣之私無疑先生南劍人

養親無復日不忍愛遺生一客獨高義千山致遠情
烹魚供漑釜秣馬束歸程從此延津路應將問耦耕
酷暑秋仍熾幽花晚自香誰將百年意共付一牕涼

事業青燈舊心期白髮長山林儘迂闊江海正蒼茫
望氣秋橫劍分光夜續鐙寒梅不鬪雪春水盡融冰
座與賢人對門從稚子磨鄉祠應合樂豪傑若為興
薦書慚不用空復意憐才共逐雙鳧去誰飛一鷄催
鼎彞文字在几杖見聞來明詔求遺逸蒲輪孰可陪

題平遠趙公像

將相先生舊江湖早退翁丹砂留劍客琴韻答天工
喬木荒烟合幽蘭宿雨同羅浮與衡嶽猶想遇冥鴻

題疎齋盧公像

持節江湖外吟詩魏晉間長庚垂野迴病鶴倚秋閒
玉局謀堪奕金鑿遂不還春來無宿草點點涿州山

世傳垂被裔蚤作采真遊引月池邊樹呼雲鶴外樓
河岳留信史洛頌載歸舟無限吟詩興西山對九秋

和龔子敬竹亭詩

萬竹尚書宅高亭表素襟扶持自遠大臨眺極高深
風露兼秋色梧桐共晚陰惟應有棲鳳餘韻寄瑤琴

次韻馬伯庸少監

仍歲從巡幸山川識重臨講帷來濟濟馳道止駸駸
五月衣裘薄諸生坐席深歸耕何待老莫問二疏金
移蹕宮城曙烟花繞閣重來王俱屬籍稱使不傳烽
賜席還親問囊書更手封恐煩宣室召視日轉蒼龍

臣甫多愁思長歌拜杜鵑鑿岨通閣道積水放樓船
惆悵霜橫野栖遲雪滿顛經行看宿草碧色自年年
太平知永日漸老惜芳晨論說慚孤學推揚負相臣
退思常感慨拜賜每逡巡郊藪多閒地餘生託鳳麟

題趙繼清詩藁

禮樂三千字才名二十春綠樽清坐客朱紱苦吟身
海日香浮樹淮雲暖近人同年多要地早晚接朝紳

題草亭

春雨夜鳴屋曉來青草生煖熏初舞蝶香近更啼鶯
裁剪成書帶牽紉結佩瓊自非邵處士休放小車行
奉別阿魯威東泉學士游甌越

憶昔同經幄春明下玉除掛冠俄去國連舸總盛書
筍脯嘗紅稻蓴羹斫白魚莫言江海遠咫尺玉堂廬

春雨寄白雲間公講師

古寺白雲閑鐘聲竹樹間唐詩留屋壁蜀道憶鄉關
橘柚霜前送袈裟雨裏還重逢三十載刻石玉遮山

書趙節度建炎誥勅後

義旅趨京國危城藉宿勲山從官位改世以故家聞
誥勅遺先代圖經補闕文淒涼寶劍贈元自岳將軍

讀王伯儀參政中山周氏賑粟詩感歎遂賦

不作三年畜聊哉一日安素封能自富紅腐宰相完
東里難為惠春陵謬永歎信知麟趾意秩秩寓周官

次韻劉伯溫送王止善負外四首

其今春與止善負外約三月致仕同遊武夷既

而聞其扁舟江上遂不及與之別監憲學齋公

送以七言律詩一章五言三章遠蒙錄寄不勝

慨然蓋公之所賦所以激清風於古道發大雅

衷前於儒林止善平生遂有見於久遠所繫亦大矣

輒次韻四篇追寄止善亦以頌公之盛德拙陋

不工錄呈愧悚一咲幸甚

故人歸去甚清華公有新詩在小車天外秋聲先鴈

陣雲邊清夢過蜂衙未尋舊宅山陰竹更憶玄都觀

裏花擬叙別懷題紙尾目昏書字愧欹斜

公門無俗客相識已經年歸有廉車送人知國士賢
詩隨官事少身與盛名全省署居清切何曾種秫田
衣冠懷故老翰墨送初筵老有詩囊在家從室罄懸
詎知清剡興不賦武夷篇千仞西山雪高情獨爾賢
携詩山寺讀深夜接猿吟秋水銀河影春雲錦瑟音
尊前思北海世外愧南金禹穴堪尋否涼風起夕陰

題黃思謙所藏雪窓蘭

澧浦多芳草微風翠葉長墨雲開劍戟香澤近衣裳
書帶垂青簡璵璠委玉肪同心誰可並芝本產齋房
手攬華鬢結化為樓閣雲幽人移近坐天女散餘芬
九畹春光動三湘曉色分凌波送羅襪誰是鳳毛羣

送董生赴仙居尉

黑髮仙居尉登高解賦詩海邊迎日觀花底詠風漪
臺府多先友詩書即吏師勤廉須自力慰我故人思

寄段惟德憲副

持斧雙溪上寒梅照鬢華臨風懷鳳閣見雪憶龍沙
夜訪山陰竹晨餐海上瓜自嗟留滯久欲繼使君車

酬崔御史送熊掌

熊掌來東國分甘到老夫鸞刀寒斷節翠釜煖柔膚
兔脫中山醢魚歲丙穴腴藜腸渾未厭玉食恐時須

題全平章所藏竹石圖

江水兼天碧簷簷滿谷生靜和春雨重動挾晚風清

投策看龍躍裁筵學鳳鳴千年倚盤石君子表幽貞

周彥文野泉菴

舊邑成新隱山泉喜發蒙涵容常不溢挹注詎能窮
豹飾山光潤龍眠石氣通還應化春雨為澤豈言功

遠法師圖像

地淨緣心淨空真即性真白華無垢足金色化生身
幽鳥時時現山花日日新願同陶處士相見過溪頻

虎溪三笑菴

入社心無適過橋迹謬存自嗟機事失空與畫圖論
白羽秋風靜黃花夕露繁詎能隨衆咲我亦付無言

贈堯公開講番陽

法席初鳴鼓龍天已滿空花飛檐外雨旛動室中風
寶氣來天上金聲振楚東點頭無數石應是禮生公

用唐綦毋著作韻送閒白雲長老還吳

凌空一錫歸幾日到禪扉野橘陰垂戶天花影上衣
井床春露淨檐鐸午風微三歲都看徧相思夢欲飛

重用韻贈閒白雲上人

歷歷唐朝寺松關幾易扉花交珠樹網苔長石入衣
秋水依空淨浮雲暎日微白雲無所住此際亦歸飛

寄吳宗師

花發上陽紅宮袍醉晚風題詩酬怨鶴寫信寄飛鴻
閭闔天光上蓬來海氣中松聲一兩疊時寄看雲翁

閣閣天光米元暉山水中
蒼舊襄陽遠新詩問水濱
苔磯垂釣父竹院訪僧頻
書畫晴虹夜衣冠怪石春
由来多健筆俱不寫紅塵

雙駿圖

真駿不受羈衝風忽競馳
雪翻兩足練塵引一編絲
國士不並世神龍難力追
故應雙劍氣昨夜起天池

步雪圖

白雪深無際蒼松近有關
謝公穿屐去陶令荷鋤還
鶴舞千瓊樹猿吟萬玉山
若非有仙骨誰得此清閑

踏雪圖

送遠冰橋滑山高雪迤深
乾坤無異色林壑有幽尋

玉樹連雲起風泉落澗沉
斷流無剡棹何以識山陰

題黃太史書老將行

因觀老將行壯氣酒邊生
健筆凌雲起長歌帶雨鳴
歲鷺歸浦迴瘞鶴入江清
最憶青神應寒泉世情

周德尚見訪

烏帽吟時側黃花對處閑
詩成風雨外劍動斗牛間
晝寂鸞啼樹春深竹滿山
欣然聞好句多病愧柴關

城山閣

最愛臨川郡城中自有山
雲邊開翠牖日上擁青鬟
酌酒為親壽擎書待子還
仙翁重相許可以樂高閑
小挽胡伯恭令尹

孔明雖小食安石自高情
九藥黃鸝曉煎茶綠樹清
劣能勝東帶俄復寫懸旌
絲竹東門道淒涼忍重行
歷歷言為教湛湛賤有思
誰能迎刃解真若治絲為
閱世佳公子持平老吏師
詔書詢守令空復薦章馳
昔喜文書簡人知縣道尊
府君初在殯巷哭欲連村
競渡哀魚鱉安居念犬豚
小民猶識此遺愛豈空言

題劉昇卿崇軒

名園當郡右峻領視山陰
鐘鼓清時迴鶯花列屋深
臨池春洗馬對雪夜鳴琴
監宅多王謝高軒每共尋
覺非齋

今日非昨日始覺

龍光揮利刃鼠穴絕餘機

德業收新効身心發妙輝
空言成自誑何日聖賢歸
題南禪寺壁

南禪住北岑林影動秋空
畫意聲塵表吟情水觀中
幽叢收墜露老樺下微風
不有維摩詰誰能丈室同
送長老住山

持衣入祖寺彈指寶樓開
白日交蛛網青山入鏡臺
散花天女下行雨海龍回
應是翻經罷諸天送供來
送憲史武子宣

建鄴多名勝前朝自汭來
車書逢盛日簪紱見英才
撤棘秋闈散拈花畫殿開
脩能兼積孝令譽稱烏臺
贈簡天碧畫士

孔明雖小食安石自高情
九藥黃鸝曉煎茶綠樹清
劣能勝東帶俄復寫懸旌
絲竹東門道淒涼忍重行
歷歷言為教湛湛賤有思
誰能迎刃解真若治絲為
閱世佳公子持平老吏師
詔書詢守令空復薦章馳
昔喜文書簡人知縣道尊
府君初在殯巷哭欲連村
競渡哀魚鱉安居念犬豚
小民猶識此遺愛豈空言

題劉昇卿崇軒

名園當郡右峻領視山陰
鐘鼓清時迴鶯花列屋深
臨池春洗馬對雪夜鳴琴
監宅多王謝高軒每共尋
覺非齋
今日非昨日始覺昨日非
龍光揮利刃鼠穴絕餘機

德業收新効身心發妙輝
空言成自誑何日聖賢歸

題南禪寺壁

南禪住北峯林影動秋空
盡意聲塵表吟情水觀中
幽叢收墜露老樺下微風
不有維摩詰誰能丈室同

送長老住山

持衣入祖寺彈指寶樓開
白日交蛛網青山入鏡臺
散花天女下行雨海龍回
應是翻經罷諸天送供來

送憲史武子宣

建鄴多名勝前朝自汭來
車書逢盛日簪紱見英才
撤棘秋闈散拈花畫殿開
脩能兼積孝令譽稱烏臺

贈簡天碧畫士

千仞青山裏和衣坐石苔看雲為雨去聽水共風來
春盡揚雄老秋清宋玉哀故園誰賦得空對畫圖開

重贈

雲氣連山動松聲夾雨寒抱琴穿竹迳留棹倚江湍
夕照歸神女春陰帶錦官此生舊同里偏解寫潺湲
新作暖閣望陳溪山不至

白雪滿虛空春生一粟中明牕帖帖圓鼎氣濛濛
梅萼猶緘綠椒花欲獻紅誰能共來往惟有太丘翁

正月十一夜坐

春雷書

佛燈依坐

沈沈晚得隱居趣靜知生物心
林深老病都無睡詩成聊自吟

暮春溪上作示涂振鐸

久向山中住閒來上釣舟携將青竹杖撐過白蘋洲
稚子休相覓哀翁更少留東風吹雨起移繫屋西頭

用趙堽韻示次子延年

治生先務本為學必成章念爾膺門早無能韞匱藏
詩書家世重師友歲年長尚念鳴幽鶴輕毛戒安翔
天藻亭壁下生二笋示幼子翁歸

舍下生春筍兼旬丈尺高為開鴛瓦脊放出鳳池毛
覆屋通雲氣衝樓樹節旄連年雙碧玉聊記一揮毫
墓田雙瑞竹遠報謝鄉僧江上歸無日山中見未曾
簡材生屋壁玉氣近書鐙茅舍秋風捲衝霄喜有朋

到寺無僧住鄰翁立暮雲喜逢新過客為說故將軍
野水寒先涸殘鐘暝不聞欲知何代建然竹讀碑文
夕照散餘曛氤氳見物羣斗杓垂野迴空影界河分
會弁懷瞻洛樓船憶祀汾荒村閑草木隨地有浮雲
老寄池邊舍新移竹外門高人知獨樂妙語枉相存
衣食隨年歲文章付子孫惟求園綺輩白髮共清尊
商陸經年竟春深幸見分斲同黃獨雪坐對白花雲

答易小雅送商陸根

參朮資芳澤芝蘭競宿熏道家空作脯寧與筍蔬群

織錦迴文詩

宛轉千蠶緒綢繆一寸心文章遺彷彿情識墮幽沉
春日關雎意秋風蟋蟀音文園空解賦終愧白頭吟

題畫馬

房家千里馬寫出渡江時煙霧連城起風雲六月馳
尚方催進馭勇士不能騎首着成秋草空寒太液池

贈上清高士吳霞所

殿辭巖直匡廬覓重遊喜逢飛珮客同上釣魚舟
圖畫龍鱗濕衣裳鶴羽脩松聲過溪好為寫素絃秋
題春塘謝公程文

科第因時重人材致力專文園尋舊藁魯曾辟獲殘編
青紫空遺恨虫魚更別箋運隨麟狩盡宴託鹿鳴先
獨斷絲今聖賓興放昔傳詎聞深美意並世一陳前

次韻蕙畝遊何氏莊

至治初元日高秋大有年結廬思近竹賜炬憶分蓮
昔有乘軒者真能脫屣然明時謝簪紱晚歲事林泉
擬踐前賢跡還從隱者旋振衣千仞表命鶴萬松顛
絕磴容飛步清流任枕眠隨緣寧擇地知命敢違天
種樹留桃核觀花覓藕船詎知無勝事可以繼高僊
次韻貢仲章題城南書隱
南郭浮沉過西山卧起看雲深開徑晚日落閉門寒

食菊收叢束除瓜抱蔓蟠海圖龍彷彿山鼎翠嶺岈
十載孤茅屋三秋一弊冠舊遊迷去駱哀夢失迴鸞
愁絕烟銷玉吟成月墮盤清尊留客易白髮向人難
未厭過從樂時時共一簞

題秋山圖

峯迴留深隱天清襲素袍棲身斷人蹟游目送鴻毛
樹挂栖屋鷲藤懸飲子猷龍眠石澗冷虎撼樹根牢
木客吟時共山樵奕處遭浮雲過水盡孤月挾霜高
羽使來三島胎僊舞九臯左招玉斧飲右攬赤松遨
空色收寥廓虛聲起繹騷彈琴遺古散載酒棹輕舠
遂向圖中見誰能世外逃乘槎幾月至一泛九秋濤

遊向園中哭熊昶之
居官常獨處論事每平心獄用春秋斷囊無暮夜金
家園聊伏臘江路足登臨名酒應常得幽人亦重尋
築堤行冉冉脩社坐深深環堵書連竹空林月照琴
四年嗟契闊千載入沉吟陶令餘瓶粟黔生正歛衾
孤兒承薄祿苦節奉遺音白髮秋多感青山夕已陰
敦廉猶可望虛偽庶能箴郡乘誰傳信來車失所欽

道園續藁卷之二

道園續藁卷之三

律詩七言

雍虞集

伯生

代祀西嶽谷表伯長王繼學馬伯庸三學士

紫禁沉沉曙色低奉祠羣使已班齊承恩歸院迷烟
樹乘傳開闕蹋雪泥蹠蹠共憐騎苑馬逶迤不若聽
朝雞山川有事寧辭遠只尺成都是國西
棧道年年葺舊摧已將平易履崔嵬經行關輔箇中
見夢戀鄉山馬上來諸葛精神明似日相如情思冷
於灰重思親舍猶南國願托江波去却回

還鄉思速去鄉遲王事相縻敢後期里父留看題壁
字山僧打送捨田碑胡桃筇竹南方要盧橘枇杷上
國知此日君親俱在望徘徊三顧欲何之

題王庶山水

蜀人偏愛蜀江山
面畫蒼茫只尺間
駟馬橋邊車蓋
合百花潭上釣舟閒
亦知杜甫貧能賦
應歎楊雄老
不還花重錦官誰得見
杜鵑啼處雨班班

張道士蜀山面

碧玉參天是蜀山
舊曾飛度歷孱顏
松風上接空歌
外蘿月長懸合景間
試劔丹崖秋隼疾
濯纓清澗夜
龍間君家虛靖歸來日
冉冉蓬壺為憶還

范文正公書伯夷頌

伏承主奉范君示先母詔及文正公手書伯夷
頌令集題識仰惟前賢爭光日月不敢妄有贊
述輒以鄙句奉謝用表倦景慕之意云

慶曆元臣細字書清風直與伯夷俱
潞韓並識何畚應秦賈爭藏寶鏡
汗神物護持天愛寶子孫驚喜海
還珠敢以微塵讚喬岳願推餘砒及頑夫
企仰前賢歲月深阿衡事業伯夷心
義田猶是當時祿遺像能令百世欽
竊頌詩書求彷彿默嗟人物轉銷沉
誰人浪湧矜家世看取天平萬石林
拜歐陽文忠公遺像

知公難遇已當年况復瀧岡十世阡金石舊藏存劫
火丹青遺廟祀鄉賢終身未必慚韓愈作者誰能繼
馬遷鳴鳳不聞驚歲晏長懷清潁一茫然

金明前韓文文山丞相

徒把金戈挽落暉南冠無奈北風吹子房本為韓仇
出諸葛安知漢祚移雲暗鼎湖龍去遠月明華表鶴
歸遲何須一作更上新亭飲大不如前灑淚垂

從兄德觀父與集同出榮州府君宋亡隱
居不仕而歿集來吳門省墓從外親臨叩
韓氏得兄遺蹟有云我因國破家何在君
為唇亡齒亦寒不知為誰作也撫誦不覺

流涕因足成一章併發其幽潛之意云

我因國破家何在君為唇亡齒亦寒南渡豈殊唐社
稷中原不改漢衣冠温温雨氣吞殘壁泯泯江潮擊
壞欄萬里不歸天浩蕩滄波隨意把漁竿

興聖宮朝退次韻袁伯長見貽是日

上加尊號禮成告謝集即東出奉祠齋宮

翠蓋重重寶扇斜從官穿柳散慈鴉過宮路遠紆天
步上壽杯深閣雨花玉貫兩虹通象錦衣成五綵鍊
雲霞奉祠東出蓬萊道春水鳧鷖踏漢槎

朝回和周南翁待制韻

三十六竿吹鳳凰九重春色絢天光卿雲微動旌旗

煖湛露初晞草木香貝葉神師東度嶺金輿馴象北
浮洋小臣職在歌功德拜手陳詩對日長

輓歌辭

中天太白貫晴虹頃刻龍飛返上宮萬國共賓暘谷
日羣臣忍把鼎湖弓潛蕃回首金山遠顧命傷心玉
几空聖主已頒哀痛詔蒼生有淚灑西風

和李秋谷平章小車詩

雪晴宮草隱晴沙相國朝天試帝車班馬晝移温室
樹鳴鸞晨度掖垣花寒帷每命賢俱載趣駕頻煩使
至家此日龍門誰執御擁經正履侍金華

送朱伴讀南歸

仁卿

喜子南歸盱水上經過為我問臨川
幾家橘柚霜垂屋何處蒹葭月滿船
應有交游憐遠道試從父老說
豐年寒機早晚成春服一平安報日邊

送李通甫赴湖廣行省都事

黃鶴樓前江水春江花飛接渡江人
日長青瑣文書簡雨過滄洲杜若新
應共庾公揮扇坐每尋崔顥賦
詩頻三公舊掾多為相行見迴車載繡茵

答周伯輝翔鳳

百酌宮壺醉曉霞望中鴻鵠盡天涯
故園賓客千金賦飛燕風埃百姓家
上國春深花滿眼河陽市上果
盈車古來鍾鼎多憂思待得人間兩鬢華

北山有萊中作堂樂只君子不可忘紫氣常占少微
下壽星今在長沙傍佳哉競秀五男子少者遠客諸
侯王執筆題詩嗟未敢杜陵之祠烟樹荒

東鄧善之

山雨不來喧靜夜江雲猶為護晴朝一羣青雀墻花
老幾箇黃鸝苑樹遙何有深心期管樂獨無高步接
松喬未能徑去成飄忽且可相從慰寂寥

用退朝韻奉懷伯長試院久別

藝闈羣策手封斜徧閱縱橫墨濕鴉拜賜頻酣千日
酒思歸寧惜少年花此時吟詠齋宮曙同是瞻承絳

闕霞想有小團分學士好將新水試浮槎

送高尚志下第歸江西

清霜木葉水多灣知有荆人抱璞還龍擁湖波迎月
下豹乘雲氣候林間殺青汗簡三冬足生白鹿齋一
日開會望斗牛尋寶劍春朝佩入紫微

題李道復所作艾全真乃父墓銘

道人何事京城中擬託斯文壽乃翁萬里烟塵唯兩
履一時製作見羣公江湖所過蛟龍識金石他年物
怪通我憶廬陵多舊事瀧岡阡樹足秋風

次韻柯丹丘見寄

春去林園百草生千源流漲到池清心期自與浮雲

遠鬢髮新如積雪明白苧寬裁無束帶黃冠小製不
垂纓故人相見那相憶但聽橫空鶴數聲

丹閣空堯地最親頻年染翰侍嚴宸九疑鳳去荒烟
外三月鶻啼野水濱日落賈生將去宅江迎庾泛獨
歸人五湖不遠閑身在扶杖風前詠暮春

今代廣文真畫師蘇州把筆更題詩白雲遠海意蕭
散明月滿樓光陸離積妄已空前日夢清狂那憶少
年時老夫獨感深相慰盛德加飡報祝規

眉菴自賦

新春名字合更新偶託眉菴作主人本不求妍何用
妬從來無悶豈教顰曉對遠山烟冉冉晚臨流水照

剗剗成都畫手應無數憑仗他年寫得真
憶自當年學畫眉畫成何意望人知鑒觀水影真無
媿接對天光豈有私獻咲詎隨桃灼灼效顰應許柳
絲絲菴中妙用何聞見未及東風賦紫芝

次韻寄謝魏雄卿錄事表兄

短棹移家竹樹東曉鬟擁翠夜鐙紅誰為重客投叩
令徒有高堂舍蓋公白雪上鬚無藥染絳霞盈頰已
樽空憑君莫咲黃花冷自有清吟與客同

和僕世南除西臺御史

鳳池共愛十年身一榜今為七爭臣識字觸邪誰與
敵讀書知律自能神關中多士遭逢盛輦下同年聚

散頻萬里玉門歸，控制向來投筆亦儒紳。
岡子原頭春色濃，小車晨出看東風。雨餘林潤人烏
好日煖沙平，我馬同西引峯巒。來座上東瞻樓閣，
起天中詠歸莫作匆匆。晚倘解相逢，擊壤翁。
木落天清，悲素秋。故人何處海東頭。尊前夜月仍留
戶，天際浮雲重倚樓。影靜梧桐餘倦鳥，眼明洲渚自
輕鷗。人生會合真堪惜，長憶春風從兩騶。
黃梁夢覺人千里，白壁歸來月一鉦。尊酒幾時忘北
海，東書無路到東窓。卧龍宛宛冰生壑，飛鶴翩翩雪

灑江無限。心期揜寥落，秋風烟樹引歸幢。
次韻馬可山人見招

天意茫茫故可知，無端感慨又先之。百年開濟輸前
輩，萬里登臨在此時。袖手看雲歸去晚，舉頭見日坐
來遲。忽聞八月靈槎到，欲及西風理釣絲。
愛此高槐十畝陰，偶來相對理瑤琴。江湖有夢扁舟
遠，風雨無人陋巷深。濁酒竟成終日醉，花枝聊學少
年簪。若為後死乘雲去，爛熳銷除感物心。

次仲章韻
日射飛塵下界昏，遙瞻積翠是君門。鳳鸞天上今何
夕，鷄犬雲中第幾村。瑤草無人能遠寄，玉書有道可

長存晴虹東去連滄海儻遇安期與試論
深屋古仙雙碧眸淵淵玉色象春浮上方烟霧日千
變清晝風雲時一游傾耳松濤惟立鶴迴頭塵海不
藏鷗飛飛幾欲吹笙去千歲歸來恐更愁

無塵道人

雲霧為衣月作裳天壇獨自禮虛皇龍收古劍沉秋
水鶴識神丹起夜光金井有聲惟墜露玉階無色乍
凝霜無端下界松風動又欲飄然上鳳凰

和上都華嚴長老見寄

講帷秩秩退晨朝只尺東方寶月遙湛露甫承
天子賜慈雲還赴梵王招毗耶一日香薰普瀛海群

公意氣飄白髮故人非玉局敢將詩句答一作參寥

上帝曾承絳闕朝屬車日向寶城遙生公屢講中邊

味宋玉空吟大小招梵網千重隨鏡現天香八月向

風飄手開樓閣能來往常候晨雞碧海寒

和斷江思上人綠松見貽之句

誰將古色伴幽棕百尺長松對一翁子落雨餘棋局

在影搖雲際水瓶空倚藤老大何惆悵覆地陰涼待

鬱蕊挽著萬牛湏晚歲手開樓閣五雲東

題了堂悟上人溪聲閣

磨衲歸來閣倚坡池開半月引泉過蒼龍入鉢斂風
雨白象卷湖吹浪波宴坐不眠花寂寂飛行無跡竹

婆婆廣長舌相何時了未覺游人一偈多

曾游海上聽松風積雪千峯水接空細若鳳削雙

氣中欲截斷槎乘浩蕩兩樵相對此時同

賦雪洲百尺身殊憊一餘七客兩親斯

江上經年積雪多長洲化作玉坡陀舊時射虎迷

石薄暮歸漁認擁蓑河伯作宮龍獻璧湘靈遺珮

停梭鳧鷖容與江花發更待春來生水波

送茅秀才歸茅山

茅君兄弟茅山裏幾代曾孫骨尚清傳得玄經還自

讀餌將蒼木不須耕鶴隨雲氣來金闕鳳合風聲度

玉笙為問仙都老仙伯書來應許學長生

送韓伯高浙西僉憲

五月樓船過大江海風吹雨灑船窓雲銷虹蜺橫山

閣潮落鼉鼉避石缸閣下諫書誰第一濟南名士舊

無雙湖陰暑退多魚鳥應勝愁吟對怒瀧

寄馬叔惠福建僉憲

荔子枝頭火齊紅高堂紈扇坐薰風湘筠簟冷魚波

合海栢梁深燕雨通絡緯豈知秋袂薄廢屨長憶曉

倉同禁城來看花如錦誰道清霜解惱公

題故太子少傅翰林丞旨李野齋幽居

車蓋歸來題故太子少傅翰林丞旨李野齋幽居

道園集三

車蓋歸來遠林魯山齒岸魯原深漁樵相識頻分
席賓客時過共賜金百歲儀刑猶近古五朝文物至
于今披看想見登臨地松滿徂徠起夕陰

蘇子對齋奉元王氏孝義詩

陰陰榆柳蔭韋村中有烏頭孝義門耕織事均家益
瞻總麻親盡義彌敦蜜蜂日煖開窗戶慈竹春深長
子孫先世此邦嘗賜履為歌遺俗却銷魂

賦張志甫八十

身閱昇平近百齡顏如玉雪鬢如星遠移湘竹堪扶
老舊種蒼松已伏苓頻見大官躬致饋蚤令掌故口
傳經古來名士多肥遯徧與題詩歷下亭

異林高語送道士危亦樂歸臨川有序

予寓居臨川三十年而隨牒京師之過半愛其山

水之明秀而未盡游也喜其風俗之馴雅而未盡

觀也樂其人物之脩整而未盡交也然視臨川則

靈為故鄉矣以其視之也切故懷之也深故見其人

則喜遺其人則若失亦人之情也况為賢者乎驪

塘危氏臨川之望族文學雅正之士世而有之故

予所謂不得盡交者也亦樂危氏之俊彥也學道

上清山中以翹楚見稱信乎名家子孫非常所可

及往年亦樂之從父曰虛室君與予最相善虛室

歸江南予嘗送之曰落花如海思歸夜剪燭裁詩

又送君觀乎此其風致蓋可想見於是十五年矣
則亦樂之行予獨無言以叙其懷歸之意乎予且
歸休將從子於江湖之上周覽山川而詠歌其風
俗以託諸其人焉尚未晚也叙而系之以詩曰
上清仙子臨川客暫入金門即賦歸夜月微聞雙玉
佩香塵不染五銖衣從游玄圃暄風暢坐讀黃庭墜
露晞華蓋峰前如覓我應看白鶴向秋飛
張郎兄弟人皆說二陸才華未足多騏驥西風開道
路芙蓉初日照江波周官雅誦賓興禮漢代偏崇茂
異科為語州人胡處士清時何故覓漁簑

題大都香山寺

香山蒼翠帝城西古寺高寒北斗齊繞屋清泉龍穩
卧對蒼老樹鳳長栖曾陪退相尋山徑亦共幽人躡
石梯忽見畫圖驚十載春雲秋雨不勝題

為馬竹所照磨題香山

古寺深沉壑巨鼇畫碣重見記曾邀曉城宮闕烟花
合夜壑風濤樹木高雨靜卧波雙劍影天清歸路一
鴻毛東都九老名猶在瀟灑誰同白苧袍

端午節飲客與趙伯高

龍沙冰井夏初融簪筆長隨避暑宮蠟燭烟輕留賈
誼銅盤露冷賜揚雄南村久病思求艾北客多情問

轉蓬忽聽滿船歌白紵翻疑昔夢倚春鴻
華蓋芙蓉入座青輕雷踈雨過虛庭永言自愧難傳
世急就成章易滿屏好客多情憐白髮幽人相顧說
丹經籟瓢便了餘生事空枉輕車到野坳
濟南名士古來多此地登臨孰有過山影蘸湖春雨
樹泉流滿郡晚風荷客生江國猶思憶人念鄉關想
詠歌千古齊山青未了李邕杜甫奈愁何
王真人眉叟在京上都賜酒倡和
真人燕處自高堂遠賜宮壺出上方給傳許乘飛廐

馬侑樽仍有大官羊一天雨露涼如洗四座賓
欲狂起賦新詩誇得意西風傳送及樂陽

送張伯雨入茅山

獨棹扁舟入白蘋隱居舊宅去栖真囊懸肘後唯丹
訣書到人間稱道民未覺白雲留住晚也應蒼木寄
來頻手栽松上騎飛鶴知是華陽第幾人
隱居聞道無人蹟麋鹿來依積雪深每占雲氣得芝
木莫怪丹光穿樹林茅君自騎一虎下木客或與羣
猿吟知爾此時最相憶遲予飛屩度千岑

次韻熊太古題金石編

上林昔見衆芳來春雨湛涵詠有萊何處北山留客

住未聞東閣為君開畫湏具眼方留跡琴有知音不用媒多學少成嗟老我每看精藝欲心灰

次韻錢翼之寫大學衍義局中詩卷

貝葉西傳淨業塵泥金萬軸等長身清閑邃殿仍稽古寂寞遺書亦散春承詔外廷湏老手揮毫仙館屬才人重觀舊事思天上白首揚雄野水濱

題王本齋歷官紀年畫像

歷官貴與年俱進列畫衣冠若弟兄出節遺風仍振海生祠嘉樹各專城丹心不改兼終始白髮微添更老成清夢幾時求傳說平時蚤合識真卿
謝僧以長送銅龜水滴

贈我銅龜盛硯水想君久已伴題詩
爛斑隱約知千歲繅藉丁寧媿妙辭豈有文章湏潤色况能經濟屬論思
租應六用俱忘息灌沐清泉自奉持

題靜壽道人自誌後

對雪鼓琴張道士八十二歲顏如春世外異書聊過目人間樂事自終身如如常住誰為死擾擾相仍故是塵知爾既忘欣戚意安排何用賦詩頻

輓危公遠道士

翦燭裁詩憶送君落花如海政續紛幾迴分別未為老一日音容杳不聞珠樹露寒蟬委蛻玉樓風急鶴離羣自吟新句成奇識只許人間禮白雲

聖明天子御奎章翰墨昭回日月光畫殿風微雙鳳
翥春池波煖六龍驤侍臣近榻誇先得內史開函喜
自將借問紫毫誰所製發揮神化未渠央

長豐白雲閒上人以橘一枝見予作詩以謝

洞庭嘉實龍興種百顆同枝重豎檐折遺忽疑千樹
盡分嘗猶足十人兼貢餘沾賜今難得霜後題書尚
可添只欠吳姬圍錦幄霏香喫霧玉纖纖

舍舒真人送牡丹

真人棋罷小徘徊手剪窓前紫綺來天女不嫌雲霧
薄洛神親擁髻鬟堆已令老鶴婆娑舞更注清泉漱

灑盃莫遣巢翁知勝事詩筒日日片雲催

曉來睡重不聞鍾仍嘆看花似霧中貪賞金盤承蜜

露不知玉樹倚春風戰酣淮水碁應勝雪擁藍關句

更雄欲畫新畧宜正午須憑狸目驗芳藪

送胡古愚

仙館醉餘千石酒上林吟徧百花風拾遺徒步頭

白供奉歸來錦更紅晚下紫微憐病鶴春生綠水送

冥鴻故人江上如相見為借扁舟候秃翁

游小孤及彭浪廟承學士命錄以示畢推

因次韻二首

天作孤岑自幾時高危頻見古人詩身當委注下無

底影絕傍綠終不移波浪秋隨天漢淨風雲未盡無
門馳釣竿拂樹思長往應有沙鷗已得知
迴舟却往彭浪石還藉枯筇得自持外險內安居者
樂東流西狀渡來知追隨過客應無事迎享神君遂
有詩消得清秋好風日經丘尋壑昔為誰
山翁翰墨送柳唐佐懷孟懿管亦風合費詩
滿縣花開二月初郡人日望柳侯車醉翁白髮詩情
在好客清言吏事餘河水煮魚頻入饌柿林收葉徧
留書欲從太守借盤谷手自搴茅結隱廬

題李息齋竹

文翁寫竹鬢成絲不作菱蘆與柳枝日色分明見真

本天工端的是吾師動搖時有禽相語偃蹇惟餘石
不移靄靄春雲好才思千姿萬態恣相宜
已學夷齊願息陰如何逐日轉蕭森發揮自出形容
表摹寫誰知造化心持贈不堪憐苦節卷懷無跡媿
幽尋更看月夜風塵定著意沉沉落墨深

題先天觀

畫來新構先天觀便欲工吟勝畫師山挾風聲雷起
陸水涵天影日當池長生有道行行到深處無為了
了知不是三年不題句卷中為有范攄詩

屬翼以因行致之無不期東風如雷開

風雨相求越一邦無多苗藿庶充腸東風吹雪開梅
萼南斗垂河避劍光力薄薦書空汗漫情多愁髮易
蒼浪故人范叔清秋鶴誰共吟詩月滿堂

對水函天予與胥翁亞仙自劍池觀山水遇客石橋

畫來深對吳氏訪自牧長老于昭福時寺新成方卜

門向予與亞仙皆以正對大羅為妙一時

同游約齋朝輔朝佐皆吳氏之良而牧亦

吳出也莫不共贊其美因為賦詩以識之

重卓招提坐石溪開關更欲面羅池西來萬派分明

意前列諸峯蒼翠姿脩竹踈松通一徑微雲淡月立

多時千年白鶴重來晚解向兒孫話祖師

去冬過昭福留詩 溪上牧所既而蒙半

村先生與國賓茂才青雲諸名勝相繼屬

和盛意不可忘也先後牧翁寄此尚需面

叙區區也

隱居曾見繞清溪屋上青山屋下池老子風流宜白

髮阿戎翰墨稱雄姿每懷高閣看雲後投宿比鄰聽

雨時安得青藜同照夜題詩寄惱牧牛師

贈丹士

神仙有訣煉丹砂服食三年鬢不華自有錦囊收曉

露何妨玉梳泛春霞倚松吟嘯風生袖採藥歸來月

滿沙肘後方聞多至劑青粘何日到山家

題朱澤民畫

松外浮雲過眼空
前瞻無際後無終
幾番白雪經行地
數尺蒼髯俯仰中
健筆粗今韋偃老
吟詩誰似杜陵窮
悠悠無限滄洲興
問取騎驢傲兀翁

題董生畫

李公昔守清江上
翰墨交游有稚川
每從遠海風雨至
共對小山松桂眠
撥鐙何處得古法
臨池忽欲無千年
嗟哉李氏孫尚幼
川翁家學子能傳

羅若川畫松

暮春多雨晝冥冥
羅生畫松當素屏
老蛟化為劍氣黑
白鶴下啄苔痕青
傳來日暮自篝火
夢入幽巖尋

茯苓不遇胡僧露
雙脚石函自了讀
殘經

又次游仙遊山詩韻

龍嵒山木小軒東
梔子花開鼻觀通
嘉節喜逢風雨外
幽懷都付咲譚中
詩成綵筆從人寫
醉後朱顏與衆同
却怕有人知此樂
枉將山水繫愚公

董掾湖山堂

九江秀色何處好
新堂正值甘棠湖
春水初生蕩洲渚
晚風欲起散魚鳧
自公退食對脩竹
教子讀書編綠蒲
知君廉恕足陰隲
行見高門紆紫朱

留上方道院

卜隱山中事已遲
歸來無處著幽棲
行穿深谷却車

馬借宿高齋慚黍雞茶為彌明分石鼎燈從太乙借
青藜百年身世半塵土一日林泉何足稽

寄陳湛堂法師

月宮桂子落巖阿想在林間閱貝多持足地神衣拂
石獻珠天女襪凌波香因結願留龍受水為烹茶喚
席馱寄到竹西無孔笛吹成動地太平歌

送胡士恭

十年京國擅才華宰相頻招載後車太液蒼涼黃鵠
羽玄都爛熳碧桃花三清風露仙人館萬里烟塵野
老家拂拭舊題如隔世華星明漢望歸槎
送雙林西白長老用太白起句

峨眉山月半輪秋我憶家鄉亦白頭脚踏岡原流去
水身隨海岸到時舟長空一鳥飛無迹白雪千峯爛
不收却咲坐來銷劫石雲興百問若為酬

寄白雲閒上人

龍興寺裏白雲房不到于今二十霜橘柚向來垂屋
重松筠此日過人長千函祕典心源淨百歲長齋齒
頰香若念尚書舊行履三生石上莫忘鄉

寄訢咲隱

垂手毗耶憶舊勞諸天幢戟擁林臯開軒坐見青松
老倚閣閒看白浪高曉日上林隨步縹春雲如海在
揮毫經年不得江東信獨立長風送羽毛

軒亭於陳君璋新園池亭得烟雨橫塘舊扁表之
尚書書此時已九十年而君璋之父年且
九十矣故賦詩及之

烟雨橫塘識舊題尚書遺跡久淒迷幾回玉樹鶯聲
曉曾見雕梁燕子泥近水樓臺隨地起臨塔楊柳與
雲齊小車却憶堯夫老徧洛看花信馬蹄
舊扁橫塘墨色新百年還屬百年人爭墩正為名隨
謝隔世何妨姓共陳綺席聞鶯垂故舊金盤烹鯉亦
賓親蘭亭俯仰興懷地莫惜流觴對暮春
題蕭正肅公及尚書與楊誠齋書幅後

古木蕭森日月懸六丁猶為護遺編一門翰墨三千
高七世風流二百年秋野蒼茫麟角出春池零亂鳳
毛鮮世居鄉里如君少西望孤城憶墓田

費無隱丹室

碧雲雙引樹重重除却仙經戶牖空一徑綠陰三日
雨數聲黃鳥百花風年深不記栽桃客夜靜長留賣
藥翁幾度到來渾不語却依秋影數冥鴻

寫韻軒

翩翩僊子藥玉山明月高樓遂不還天外脩眉塵鏡
掩窓中遺墨夜燈閒雪深黃竹歸無所雨暗蒼梧淚
更斑何事浮雲相遇合杳然陳跡謾人間

更班何事揚判官春雨亭燕朝祇器入聞
松栢園亭雨露新慈顏幽翳倍傷神三年疏食心長
慕一勻寒泉淚滿巾孝子舊遊多國士將軍遺愛在
邦人封塋近對清江曲世世能來有鳳麟

揭北海山雨亭

周遭城郭擁坡陀北海亭中逸興多木落秋風知地
迴水高春雨見帆過華簪列坐驚年老翠袖深盃為
客歌說與蓬萊千仞石誰能鳴鶴倚松蘿

珉上人俯清軒

高亭直下一江清千尺絲綸寄此情秋水芙蓉華月
上春苔翡翠晚風輕坐來古硯生雲氣吟過長廊曳

履聲知有登臨無限意高山遠水已相迎

楊伯恭柳隱山房

細柳誰如灞上營清江百尺坐專城陶潛雅興還堪
賦張緒華年更有情春日貫魚多鱣鯉秋風飛羽控
鯢鯨錦衣玉帶催毬馬入對長楊聽早鶯

揭北海蓬萊亭太湖石峯

海上飛來第一峯華星明月五雲中千年持載遺神
物九仞飛騰接太空不與興亡驚世換長隨山澤與
時通蒼茫獨立橫秋氣未許西山得比雄

秋屏閣

幾度秋屏真謬興歲寒今日一凭欄西山廬阜連天

起彭蠡番陽學海寬久病詎能備客禮舊游長感奉
親歡老身若借雲房宿卧起江山正面看

王欽道活水源泉西山對出

川上曾聞感聖衷尋源因見出泉蒙風霆流動千門
啓山澤高深一氣通潤物已從時雨化濟川猶歎昔
人功野塘舊隱誰能住一夕清冷謝太空

題送林松壘照磨詩卷後

朱輪豪傑早知機一日冥鴻向海飛風雨交游無舊
迹江山幕府有清輝秋空澹澹蕪葭浦春晝堂堂錦
繡衣世外喬松中梁棟澗邊莫歎故人稀

御風亭

城陰百畝轉迴塘喬木參天翠柳長飛盡曉迎花霧
氣臨池春動黑雲香衣裳清露芙蓉淨劍佩明河水
玉涼還向人間留妙蹟蘭亭列坐詠流觴

雙檜軒詩并序

檜之為木仲尼嘗手植於魯天下後世莫不具瞻
焉學者之於聖人宜無所不學江右憲使覃懷李
公重山甫持剛方之節秉貞固之操乃樹雙檜于
家庭以自見蓋將景仰先聖於萬一也夫木之為
世用多矣大材成大器小材成小器椅桐梓漆則
琴瑟之儲焉明堂清廟之棟梁非檜莫與也尚論
聖人之所為識其大者豈非君子之志乎乃為之

賦詩曰

素主舊植魯宮牆雙樹新陰接太行冰雪高寒今節
操雲雷參錯古文章河津此地營舟楫廊廟多年待
棟梁會與羣龍近華蓋九天朝日正蒼涼

黃仙巖

鐵色陰崖積石屯玉顏窈窕鎮崑崙止池降液作靈
響左角出雲承曉暎手扶風雲穿月窟坐當星斗直
天門昔人政有懷仙地為挹清泉注一尊

王京墨向

古亭詩為張仲淵作

濟南名士古來多誰作新亭照水波百頃高荷秋興
閣一湖明月暮船過南州城上登臨賦北海尊前感

慨歌况有吹笙王子晉清風千里接鳴珂

觀耕詩為王可敏賦

昔歲春耕見夢中分軹此日歎民窮漸惟草色經行
路輟食棠陰問上風歸鴈相催知日近占魚猶願報
年豐他時緩步從青瑣寤寐毋忘稼穡功

與熊天宇

去歲送花無處栽至今鄰舍借園培綠籬正要帶刺
枳並屋還須疊葉梅桑椒墻下堪食用桃李門前空
綻開故人一二可致此他年相對共銜盃

行丞相掾唐仲英事母至孝在臨川時知
夫人嘗藝蘭於亭中花繁茂累歲增盛異

於常植君子有以占其子孫之興也他日
太夫人去世而蘭亦悴而弗華三年而忽
然開如太夫人在時仲英感歎如見母之存
林並氣鬱焉都人士咸以為瑞相率為歌詩以頌太
夫去為之夫人之遺德而識天錫瑞以彰仲英之孝
後數年虞某在豫章與仲英續賦一章云
唐氏慈親手種蘭三年憔悴復闌干為懷媚服承顏
喜豈意空帷帶淚看手把栝棗春露重心知佩鯨暮
天寒扶踈玉樹情何極長繞幽芳不忍看

憲府瑞栢

憲府清巖翠栢高香烟霏霧起亭臯濃熏旭日新膏

沐細引春風近羽旄黼黻成文如錦繡丹青生色在
揮毫德星占應賢人聚濟濟清朝見譽髦

書蕭母傳後

新喻蕭母有貞節朝廷用魯叅政子翬言旌表
其門莆田陳旅博士為之傳文甚奇子翬早學
於蕭氏陳集友也先丞相雍公與蕭正肅為同
朝故其家來求題云

桓桓蕭氏貞門表猶是前朝執政家恩詔傳言褒素
履安輿垂淚對黃華賢孫能奉高年遠薄俗寧知古
道賒魯氏交情陳氏筆臨文三感一長嗟

黃節婦詩

集昔泰館閣四方孝子貞婦之事來上

豈領朝廷者率求詩文以表章之隨事發明時義既

有所諷勸或所錄未甚備者猶推其類以著其

姓搢紳樂善成風每盈卷軸不以辭為費也今

觀雷尚書之諸孫長仁書其女弟適黃氏貞節

事皆閨門變故而始終一德非其兄不足以知

之非能文不足以發之集筆硯荒落長仁之子

以此卷相示感而賦之

貞婦初年遭百艱每將忠厚對傷殘死生家世心無

愧終始閨門義所安信有高風隨地化不營華表與

時看賢兄述德皆真實為報鄉人在史官

送客江邊醉似泥漁村留宿已雞栖風平山影搖舟

檝雨急灘聲入鼓鼙故老別來誰尚健新詩吟罷更

重題却因農事催歸去卧看浮雲逆上溪

題高彥敬竹石

踈篁幽草澗邊生羣玉參差若弟兄更待拂雲棲紫

鳳何年臨海掣長鯨尚書蕭散今摩詰子墨淒涼舊

客卿風雨夜來家四壁龍吟微應讀書聲

南浦遐觀

房山避暑何王宮古木蕭森多畫風平生江海毫素

裏日暮鄉關魂夢中孤雲斷處更野水五絃揮罷又

飛鴻高情千仞一倚杖莫怪尚書雙眼空
 晉人筆法成中絕竒崛縱橫見米家手畫斷崖分鐵
 石意求古樹帶烟霞龍髯解出空中雨鴻爪能留雪
 裏沙近日尚書高彥敬高懷尤足共清華
 趙伯高所藏高彥敬吳山夜景圖
 吳越蒼茫咫尺間尚書能畫夜看山塵銷海市露初
 下雪積江沙潮始還座上賦詩誰絕唱夢中化鶴忽
 臨關高情已逐年華去秋樹寒波愧妙顏
 東山尚書
 太傅東山杖屨行恣將憂患托高情獨携窈窕開瑤

席雙引娉婷韻玉笙春雨松間殘奕冷秋風江上暮
 塵生三分籌策煩勞甚悵望雲霄一羽輕

百馬圖

楊柳生烟草色薰川原錦繡動成群百年海宇無征
 戰一幅圖書有見聞日夕吹笳歸別部天寒桐乳奉
 將軍當時校獵誰能賦白髮揚雄思若雲

周昉畫

島上雲生日轉簷海風吹雨暮寒尖春明玉色遺薌
 澤夜定珠光入鏡奩織得鴛鴦隨綠皺教成鸚鵡啄
 紅甜試令鼓瑟應無語目斷歸舟思未淹
 謝晉相與天師菴壁間墨竹

憶昔卧起脩竹地當林日日看風生白雲時來衆仙
 降皓霞如瀉孤鶴鳴吹笛江深星斗動釣竿樹老浪
 波平何時置我北極下獨倚高壁聽秋聲
 從子旦欽賚賜金至山中次陳溪山韻
 索金萬里來天上舊賜新頒捧拜餘去國棲遲慚補
 報榮家歡喜度空虛孤臣清淚三生夢一寸春陰數
 葉書更買青山可終隱不妨投老得安居
 謝予棕雨笠
 歸弄江波自濯纓白頭徒步一身輕蕭蕭白雨荒陂
 晚恰三黃鸝夏木清杜甫豈於詩更瘦遠公許以酒
 相迎野僧三四同來徃此日先生戴笠行

題毛秀發薛玄卿戴笠留卷後

偶然戴笠過前山天賜高人一日間薄有神情留卷
 裏漸無名姓在人間毛公吟罷厖眉古薛保菑成鶴
 羽還無限好懷今搃得松雲千疊為誰關

止家人製衣

故人遺我布單衣寒暑相仍服不違地僻少塵潤漸
 易身閒遲破補紉稀樵漁搃識循常好魚鳥相忘作
 念非請看江頭木居士雲來雲去本何依

荒唐

齊人野語楚荒唐野死幽囚祗謗傷往闕文誰復
 及悠一沒世詎能忘百年有道開新盛千古遺言發

耿光不有鳳麟同日至誰知信順見文章古處言幾

誰識空中有至真一庭芳草自生春風雲變化閑來
往日月揮持在主賓寶劍有神凝鑒水金丹無質現
窓塵忘言本是吾齋事莫負空同問道人

真止軒

乾坤定位易行中星共辰居象亦同終日有言寧離
此先天無事若為工音聲倡和黃鍾始水火浮沉土
釜空世法定無相比並閑循斗柄玩東風

石巖詩為道童搃管作

維石巖巖氣象超俯憐培塿獨岩堯八風不動盤坤

軸一柱高擎切斗杓江郡暮雲留遠樹湖陰積翠上
春潮便應從此為霖雨直向中天絳節朝

竹所詩為馬照磨作

蕭蕭備竹倚闌干幕府高秋獨坐看龍化欲隨清珮
響鸞鳥停長共碧梧寒幾年冰雪培根節一日雲霄見
羽翰聞道武公方壽愷永歌淇隩報平安

送揭子尚之京師

縣北之亭山水幽玉堂故人懷昔遊錦囊五色起雲
霧華袞一字驚林丘賢才洛下共青瑣久客襄陽成
白頭羊公沉碑聞近出文章垂世何悠悠

送李伯儀

老來多病山中住誰復能吟過客詩
賈誼豈無前席夜終軍當有棄繻時
沉香亭北花園錦太液池頭柳舞絲
初到長安還有賦東湖傳看綠漪漪

送吳志淳

古道棲遲與世違高才誰可共襟期
揮毫妙得中郎法倚席長吟老杜詩
澹澹春風湖水詠蕭蕭夜雨竹枝辭
明朝何處還能賦駉馬金溝結柳絲

送劉仲禮游浙

于今南斗聚文星博士空慚老復丁
杜甫文章驚四海中郎字畫尚羣經
才華酷似泉流峽書法親傳劍出矧
欲看海門潮始壯高風鴻鵠舉空青

送艾友文之靜江

桂林賓客舊多才鼉鼓逢三夜宴開
鄉里共推文學貴轅門爭識故人來
幕中草檄狼烽息座上吟詩鴈字回
為問伏波天柱遠文章何日刻蒼苔

送太原郭詵還豫章灌園精舍讀書

每思有道太原碑復憶南州孺子祠
但得賢人千里聚奚傷大樹一繩維
生民憔悴依高節吾道銷沉繫遠思
誰向灌園棲隱地下帷觀象玩微辭

送劉元補淮南漕司書吏

江南大郡多凋瘵三月鸞花海上城
使者自持清節重書生遠去一舟輕
晷書雲靜滄洲鴈翰墨風生碧

海鯨幕府從來賓客盛橫琴時自寄高情墨風主
 海上瀛洲想玉珂繡衣今歷幾坡陀賢人會合何其
 少蓋世文章不用多蘭楫誰迎桃葉渡蘆笙莫奏竹
 枝歌不令駟馬歸金馬奈爾相如好賦何
 孰謂儒冠多誤身昔年聊作小乘僧春風花影疎
 月夜雪松濤澹二燈巾帶便須歸賈島衣孟從此付
 盧能男兒今古平生事未把丹心一寸冰
 題河東李集賢個詩後
 某與昭德別二十有餘年相見清江之上出故

集賢河東李士弘學士重游舊詩蓋李自守郡
 至作詩時已二十餘年今去李公賦詩時又幾
 三十年矣俯仰感歎追和附卷末云
 郡人長說使君行室有絃歌野有耕千丈沙隄春雨
 漲滿船書畫晚峯晴重來城郭誰耆舊編刻文章自
 姓名我亦從游今白髮每懷冠珮望蓬瀛

聽錨元彈琴

劉元相訪竹齋清夜為予援琴作長清飛佩等
 調宛然二十餘年前聞諸四明袁公伯長父子
 及西巴鄧公善之之子慶長者不勝淒感道士
 張伯雨亦偏善此相別亦二十年矣寥寥此音

在天地間何可斷絕賦詩寫懷書贈元云耳音
寂寂虛堂月上遲
錙郎為我鼓冰絲
秋聲在樹誰能
賦夕露沾衣有所思
荷蕢過門良久矣
乘桴浮海欲
何之呼童明發酬佳興
三勺清泉饋石芝

陳立持所畫山水及酒饌來求詩法詩法
無之得與齋中朋友一飽之樂

拙疎生理歎衰翁
食粥何妨甌屢空
驚見殺雞供季
路喜看載酒問揚雄
畫盂乞与千山雪
詩法傳來滿
袖風令子讀書誰得侶
高閒甘旨不憂窮

莫道幽人有意吟
緣情生變苦推尋
竒雲映日書成

與趙伯高論詩

字靈響音盤空
譜作音春鳳
雖雖天廣大
秋蛩唧唧雨
陰沉性情平澹
隨時見禮樂
何曾繫古今

宿周氏東齋聞饒以和李本夜話賦此

霜月高齋會二賢
夜深清話極幽玄
退藏莫測神明
化通變猶聞典禮傳
五十年華思絕學
二三良友信
遺編選鋒若欲驅
殘臘晴昊梅英孰與先

觀王繼學參政贈臨川艾庸詩有感

世儒退相淮南使
羨爾華裾早及門
授館終年供白
粲探囊一日試
黃昏漢廷議禮
諸生起魯壁
藏書幾
簡存最憶龜蒙
雲氣重舞雩
新服試春温

題陳維新詩卷

才子清華孰與羣古詩秋興浩如雲海中夜月珊瑚
樹江上春晴錦繡紋溧水釣魚辛少府武夷放棹杜
徵君歷觀卷裏襟期士鳴鳳朝陽與世聞

題劉伯溫行卷并序

監憲伯溫錙公出示館閣諸君子送行詩文兩
大卷其一自中臺出佐浙省時賦衆仲題其端
有以見朝廷選任之專職事之難者後一卷
則自著廷持節江右之賦也伯循跋其左具言
述作之暇道西北形勢古今之迹經覽之壯有
重會講明之約一代文物之懿備見於斯何其
盛哉其感別欣遇又知監憲公深有得於大易

孟莊智崇禮卑之旨庸述鄙懷敬答盛意不勝悵悵

西極山河轍迹通載馳江海視民風帝王漸被知今

遠秦漢經營歎昔雄憂國蚤聞生白髮濟時誰識信

丹衷斯文一縷通微顯隨地成能造化工

題黃智仲詩卷繼燮御史黎僉事詩後

彈鋏何妨鬢漸疎侯鯖偏食武昌魚故人江漢浮雲
盡歸鶴城樓落木初御史青春懷舊意郎官白首寄
來書解囊為說經行處歷歷晴川畫不如

書莊武公遺事後

莊武勲名汗簡青賞書錫爵自明廷時傳令德連三
世家有高年過百齡胄嗣蒞官原問學封邦獻禮續

儀刑周詢還奏澄清效袞職從容問日星
自題為危太朴作
大地微塵海一漚取之無用棄無由日高睡覺還聞
鳥雨足歸來但牧牛冠帶衣裳明日月陶匏木石老
春秋何人寫此閒中意獨立晴空詠未休
故人
故人為別十餘春夜夢相逢面目真
世外音書遺鴈羽壁間圖畫潤龍鱗
可憐白髮寒仍短待得黃花晚更新
誰有高才如屈宋九歌江上樂明神
孟莊同世不同風縱使相逢亦不同
豈以高明分彼

孟莊

此摠於衰晚共豪雄奇才別出羲黃上
大業難忘舜禹功無位無時千古逝
誦言忠辯愧愚蒙

吳先生壽日

承明三召意勤渠歸老從容問燕居
几杖雖塵無倦色經綸不用有成書
春深雨露多沾溉晝永風雲妙卷舒
華蓋浮丘漢儒行千年高並翠芙蓉

寄壽楊友直

恩詔來頒擁節旄壽尊酬獻畫堂高
郡人傳寫登高賦野老驚看侍宴袍
契闊舊交多老大澄清能事屬賢勞
鳳池緩步歸猶早鄉社耆英接譽髦
寄楊友直

山林十載便幽趣，城府連朝謝故人。前席謾言宣室事，小車且看洛陽春。舞停紈扇清樽側，醉插花枝白髮新。人為村頭農務急，不辭鈴閣度江津。
承詔摛文入禁林，一揮四問夜堂深。五人存歿風流散，十載浮沉老病侵。曳履想迂青瑣步，下帷傾聽白頭吟。多材政有江西客，衣錦歸時好寄音。

寄陳溪山

坦坦幽貞夏日清，高槐千尺自秋聲。華山雲外觀真逸，洛社春中憶舊英。雅論圖書酬太守，靜容簪佩列諸生。丹成有道傳中表，歲把芙蓉奉壽觥。

寄楊臨川

五月新涼似鑑湖，吏民爭候使君車。稻田雨足臨流喜，墨沼雲生對客書。疲瘵遠人訢獨得，文章列郡竟誰如。寓耕封內宜脩敬，老病衡茅禮節踈。

寄蒙古松巖

驛舍相逢已十霜，每懷高節倚雲蒼。星辰劍佩趨黃道，風月菑書侍玉皇。萬壑秋聲回浩蕩，九霄春夢入微茫。垂絲到地苓如玉，擬斲青冥頌久長。

寄費無隱

清朝自寫玉宸文，冠戴芙蓉著錦裙。碧落開菑垂五采，素雲引練事三熏。羣真定錄渾相識，上帝臨觀密

自聞書畢綠陰方數畝長疑窓戶宿春雲

清鐘徹曉轆轤乾十載霜蟾獨自看護法老龍思淨

梵化人孤鶴報平安相逢歲晚頭俱雪想見春陽氣

若蘭欲辦芒鞋求覲面晴虛雙景共清寒

尋得山泉可枕流寒郊為舍就中洲故人春月多新

夢游子秋風足暮愁楊許有書留玉洞松喬無跡到

瓊樓亦知李白因貪酒頭白無緣事遠遊

積雪柴門晝不開行庭無跡太寒哉深根一息先天

氣平地橫陳幾劫灰潮候夜中隨月滿斗杓天際挽

春來溪翁定有扁舟興晴昊繁花問遠梅

茆簷向曉喜雲開積雪如雲安在哉春澤堅冰成解

液明窓旭日動飛灰山陰忽有移文至松下那容唱

道來小大往來元有數莫占消息向枯梅

冰雪肌膚染絳雲歲寒林下對吟身先天氣至渾如

醉初日光融轉更新白髮無能酬造化金丹有道駐

長春少年莫笑詩成處傾倒相歡忘主賓

春曉紅生島嶼雲此中儘著兩閑身不愁花咲髮鬚

白謾詫人傳句法新曲水徘徊天上日深杯斟酌自

次韻陳溪山紅梅

次韻陳溪山紅梅

次韻陳溪山紅梅

次韻陳溪山紅梅

次韻陳溪山紅梅

次韻陳溪山紅梅

次韻陳溪山紅梅

次韻陳溪山紅梅

家春繁英未落須頻到翠實金盤尚及賓
雪後孤根發暖雲栽培本自一人身
紫薇遺意成千古絳萼深期又一新
忠厚敢忘嘉樹賦冲和思廣此
枝春若為穉子猶堪教三祝三加望大賓
水來章末句有屬幼兒之意先生屢言先君手植紫
薇于堂前賦詩屬望小子時人不之許也頻仰五
前十年委身田野莫稱先志集感歎成賦

次韻荅楊臨川

歸興秋光晝寢高使君詩瘦怯宮袍
東湖微雨生顏色西日浮雲見羽毛
橘柚園林誰共奕薰葭洲渚或容舸
誰家此日尊無酒兩鶴翩翩過九臯

舟次臨川用趙堦韻

文公經濟入精思陸子高明自得師
投老幸依賢者國興懷况在歲寒時
為邦孰與從先進擇善誰將覺後知
十載郡樓遺訣語扁舟江上感君詩

山行次韻

從來年老喜逢春宇宙中間自在身
鬢髮還如柱下史曾懷仍似洛中人
春雷起處耕雲外曉雨晴時釣水濱
况復歸歟清晝永坐聽童子詠睢麟

次韻曹子貞

官學三年不自歸從人饑食復寒衣
蒼麟一出春秋畢黃鶴重來城郭非
靜對風雲觀變態閑因來往玩

神機乾坤自是無今古不用窓間惜寸暉

十月東歸下石瀧群公促膝共輕艘蕭雲故宅多喬

木阮籍清樽對暮江方駕肯來良馬五尺書先寄鯉

魚雙欲求深隱何山曲雪竹霜筠共一窓

汀沙如雪水無聲舟倚蕪葭鴈不驚霜氣隔蓬纜數

尺斗杓插地已三更拋書枕畔憐兒子看劔鐙前慨

友生尚有乘桴無限意催人搖櫓轉江城

長年人海混潮聲水宿荒涼却夜驚月照空巢烏繞

樹風吹短草鴈知更要觀此地秋濤壯更待明年春

水生不比蜃樓多變見綵雲初日擁層城

懷哉歲暮扣重關置我高堂俎豆間遠道無窮緣已

老凡情不斷若為閒徐行歷歷皆平地滿目青青是

好山莫怪丘園待春雨扁舟先愧逐雲還

謝廬陵兩劉君

扁舟已作渡江雲回首高年憶兩君坐客頗知韋刺

史詩人猶拜杜參軍揔看玉樹當春晝長對青藜過

夜分他日聚星如可畫慙慙垂白更論文

次韻孟天暉典簿佐奉使行江西所賦

帝念蒼生不鄙夷任賢清問載旌馳山川舊履車書

會草木新春雨露私十道悠悠分楚粵四門穆穆出
宣慈舉頭見日天光近老去無憂託啓期

山木閣東初日生梅花照溪人欲行玉杯在手山影

入瓊精載道霜氣橫故人天上今白髮賤子山中常

倦耕憑君問訊金闕下羣賢朝迴春日明

送撫州推官于夢臣改除吳興別駕

撫州那得似湖州千頃鷗波可放舟別駕老便公館

靜高門長憶故園幽綠陰青子人家曉古木踈篁水

墨秋幾欲暫為江海客百年耆舊記風流

送陳繹思歸會稽讀書

右軍高致絕清真况復東床玉樹春上馬詩成誰共

語讀書鐙迴互為賓落花飛絮縈歸思流水游龍接

暮塵無限當時觴詠意尚疑身是會稽人

送秘書也速谷兒大監載書歸成都

連舸載書三十萬雪銷春水上成都列仙歌舞成烟

霧世將旌旗屬畫圖定有洪儒堪設醴豈無佳客共

投壺子雲白首歸無日獨抱遺編隔五湖

送普從昇驛史調廣東

秋露垂珠枸杞叢海天火齊荔枝紅飛行萬里青駝

馬指顧千夫赤羽鴻虎帳夜傳文字密蛟

言通一門諸父吾親舊待爾歸朝捷奏同

莫憶并州是故鄉江城十載簡飛霜賓鴻不及馳車
遠語燕還迎舞袖長下瀨未休連舸餉觀風頻上奏
書囊雲開南嶽多來往應有高情聽九章

送人回湘用魯子翬僉院韻

東門有客上歸船舍弟過後歎昔年清宴翠帷明諫
草高譚羽扇動江蓮湖南賓客今誰在湘外蘭蓀自
可僂珍重太常臨別語毋忘殮菊飲寒泉

寄監郡敬齋

華蓋天風八月高使君於此重遊遨停雲每約松間
鶴載月同登海上黿人愛桐鄉留繾綣道傳栢府薦

賢勞柴車已是輪生角那得黃花共濁醪

仲秋二十一日雨後聞桂香柬竹齋諸友

曉來滿國桂枝香明歲秋闈第一場明月當樓天廣
大疾雷破樹雨琳琅鬼神幽遠驚雄辨草木欣榮被
耿光於易已占觀六四真儒不數漢文章

訪羅元德隱居

春溪回曲抱郊墟新見幽人水竹居車馬不知行樂
地漁樵常近讀書餘一川風月閒來往終日雲雷妙
卷舒獨究塵編誰得似同游為記暮春初

副李顏帖木兒行部過訪

六月驅馳使者車城南詢問野人居韋編猶記成均

道園集卷三
舊玉尊親分尚醞餘師友道存風義重山林歲久禮
文疎但期荒隴霏霖雨課子躬耕理故書

與易小雅
雨過橫塘早擊鮮西鄰宴罷到東園醉吟明月花枝
好坐對涼風桂樹繁玉雪汎甌留夕語銀絲分椀約
晨飡壽朋摠憶城南老每採芝苓過遠村

憲府集後書與紀長之

歲暮賓筵坐席深哀顏何足重為欽有嚴佐史加籩
豆於粢升歌備瑟琴佇想虛煩求舊隱聞風實啓好
賢心誠孚德合生民慶往昔誰容只在今

與陳維新

新公家在觀橋濱茅屋蕭然不染塵通夕跣趺光炯
炯經時神屋火勻勻一杯秋水留仙客半嶺春雲共
野人借問如何參絕學破除妄想不求真

答劉無作

南園隱者劉無作古木陰中戶不開惡客任攜袍緼
去化人又送飯孟來吟詩窓下猿供筆振錫林間虎
卧苔二十七人尊宿字夜深相對語如雷

答毛南楚惠書

華峯迎對浮丘伯故憶毛公共說詩良夜挂巾松上
露路微風揮塵竹邊池近來有夢如春雪重到何人識
鬢絲此去相望三百里時因歸鴈問幽期

答陳明復

城頭雲重鴈飛過憶得江南夜雨多
茶樹嶺前雷破石稻秧田裏水盈科
何時短棹鱸羹菜盡日長松
女蘿賴有仙翁知此意不同樵唱即漁歌

保同監邑送桑本

樹桑親教縣庭隅分我深根四十株
老客遂居連野綠使君重到兩輪朱
寒窓機杼依鄰曲春服兒童出舞雩
頗有薄田衣食計暮年歸夢在成都

陳幼德送竹本

竹似陳家好弟兄清陰秀色滿林生
八龍夭矯同瑤席雙鳳參差和王笙
土潤已如含雨氣夜深便可聽

秋聲他年為作青青簡待爾明光獻賦成

謝董子道參政

再世門墻五十霜扁舟風雨渡滄浪
少陵生理憑黃閣孺子高亭歎豫章
文學舊游成寂寞廟廷新刻更琳琅
惟應垂白江湖表北望風雲古栢蒼

謝馬昂夫總管

歲晏相看雨雪深一尊春酒故人心
曾陪鷓鴣鶯俱塵迹晚托漁樵得共吟
天上鳳毛還禁直人間鶴髮更登臨
畫圖三友題名字漢隸還須老華陰

謝陳溪山慶生朝

自咲青年說學仙哀容那復更芳妍
詩書塞坐忘謀

食風雨長齋過禁烟有樂從教兒輩覺無言可與世
人傳高情惟是希夷叟長住蒼松白鶴邊

謝劉伯温

世外高情與道謀欲令斷木出寒溝終身不敢窺韓
子病目誰能念左丘生晚見聞慚禮樂業荒文學感
春秋未忘垂白從耕稼鳴鳥高梧詠不休

謝胡士則

舊學都忘老日侵故人千里忽相尋坐依敗壁看蚪
蚪手撒殘編墮白蟬五色蓬萊前日夢一窓風雨百
年心羣賢列坐書連屋至樂無餘祇在今

謝魯元起監縣

雨足時和縣事稀彈琴學道一練衣塵編得意常終
卷匡坐思憂只掩扉壽母平安充一喜古人高遠類
多違文章於世真何補每過城南晚詠歸

謝楊士弘為錄居山詩藁

少日辭章浪得名歸欤樸學補餘生揚雄執戟能清
靜庾信凌雲愧老成游目山川誰妙識興懷河洛獨
高情殘編久棄知無用為錄幽泉絕澗聲

畫戟高門對碧岑公孫才思在登臨少陵不盡山林
詠季子偏知雅頌音貞觀詩人同制作太平樂府入
沉吟明年何處聽鳴鳳春晝梧桐滿院陰

酬吳彤暨諸友編文

知愧空言惜已衰煌煌三秀感靈芝山前雨過那堪
記水面風來祗自怡遠使徵書傳盛意良朋定錄副
深期塵編盡淨遺虛凡何補斯文與世知

贈義上人赴京

蕭灑澄江對寺門講餘江上看朝暎白龍起聽經函
秘紫鳳來朝佛像尊召見天神扶履烏還歸帝釋賜
幢幡故人十載靈芝秀春雨山堂誰共論

贈張元朴

黃茅岡迴少人行目送飛鴻又晚晴塵尾每懷張伯
雨鷺羣今屬薛玄卿天風浩蕩高眠起夜雪空明老
翻輕黃石祠前好孫子莫教塵世苦知名

贈婁行所

三歲京華憶母歸一丘岑蔚感春暉瀧岡墓表非無
待漂水哀吟恐自違疏食一簞嗟遠道送車千兩念
征衣中間名勝多知己屬筆何由到草扉

江上飛花已暮春朝中憶爾渡江人共看傳燭分新
火更與臨流袂舊塵使者獻書歸館閣尚書薦士到
絲綸斗牛儘有光芒在緩步行聞接鳳麟

贈道士

神寶誰開自洞微紫烟為戶玉為扉春容澹薄胎仙
舞夜景虛明脉望飛繞指風雷龍睡醒滿囊雲錦虎
馱歸猶嫌長物煩聞見更上高臺一振衣

手持數節羅浮竹直到棲賢三峽橋錦繡烟雲隨鳳
起珠璣淙瀑作龍蹠陶潛菊徑須頻往李白松巢亦
易招我與山人俱有約秋風更待海門潮

贈高文舉

志士猶思及物功尚施仁術簡書中江湖隨地宜秋
色桃李成蹊任化工執轡幾時觀逸驥揮弦聊復送
飛鴻塵編舊業應無厭八月明河九萬風

贈道士鄒雲山

一片春雲萬仞山六鰲戴向海波間金銀樓觀蒼龍
戲日月旌旗白鶴閒換骨有丹宜早服虛心如水及

秋還九重元與蓬萊近看爾仙衣蓮玉班

舟中書贈吳彤

輕烟冉冉日曛曛好友相從一舸同白雪夜吟蘇武
慢清波晨動楚王雄天寒洲渚多嘉樹道遠江湖有
暮鴻不是新知相啓發歸歟恐負菊花叢

贈徐元度

昔時三公丞相掾有賓客之道焉參決論議皆國
事也接之有禮行之有道是以君子信之也國初
為丞相掾持文書論事可否職事有不得不然者
其後三公官備掾屬甚清簡時人尤貴之然而禮
貌輕重之間存乎其人矣毗陵徐君元度方弱冠

時學於吳中鄭明德氏文藝穎出識者有望焉某
於豫章見之則從事師垣出掾浙省而至於斯也
蓋二十有四年矣雍容有文進退以度識大體不
汨於流俗慎言敏行名實孚於上下鴻漸之羽翺
翔於天亦維其時也哉至正乙酉正月上吉將為
外宰相報政於中若夫方物之獻貢賦之數有司
之常事也在元度優為之矣明良在上顧惠遠人
外將有問焉羣賢方以文學治道佐明時當有知
元度而進之者賦詩以送之
起家辟掾三公府拄笏西山度歲年故舊總懷天下
士風流更重幕中賢香烟滿袖遊絲夢春水如天上

計船三月看花鷓鴣裏題詩還向遠人傳

贈敬上人

二十遊方四十歸人民城郭恣依依雲生谷口為雷
去花滿林間作雨飛密室爛泥成寶器諸天劫石拂
銖衣扁舟穩泛番陽水更問雲門莫莫機

贈鄒生

君唱銅鞮道更優我歌錦瑟送長游景純廁上灰飛
劫一行門前水逆流曾把僂翁血醫鶴要知衙將面
如猴譚天譚到八十一好問九州州外州

遣興

千梳白髮度清齋有客柴門始一開書為目昏空對

簡酒因囊溢久停盃北窓風雨長孤坐南海音書遂
不來壠上輟耕童穉輩強來問學樹哀顏

為熊曩初賦靜觀

睡覺東窓鼻息微水流不競落花稀風旛底用生分
別塵鏡何情辨是非春去蝶隨游子夢秋深螢入窠
僧衣可能袖手高閒者看到行雲作雨歸

滕王閣

高閣城頭戶牖開江中照見碧崔嵬文章誰在三王
後雲氣長從五老來畫角數聲南斗落白鹽萬斛北
風迴洲前先有蛟龍窟唯待詩成急雨催

玉華山

何處清江擁玉華手題名榜寄仙家光凝石殿千年
雪影動銀河八月槎藏藥寶函騰玉氣說詩瑤席散
天葩奎章閣吏無能賦得似新宮蔡少霞

天峯道院

衆峯羅列總名山更出岧峩紫翠間上直文星天一
柱中含道氣玉重環臨池水月清秋老繞閣烟霞白
日閒溪上墨香傳遠客令人思與鶴飛還

次韻寄題象外道院

至人還作采真遊海上何妨更九州雲氣低回依寶
劍月華臨照是瓊樓舊家孤竹清風在今代三茅碧
澗流凝望蕭臺環日月不知何處問丹丘

寄題三益亭錄呈仲義參謀立

公府蒼松六百尋古梅脩竹共亭陰歲寒先覺冰霜重春永還知雨露深每得瓊瑰三益友同堅金石一生心坐令方丈凝香地千里嘉名起自今

題梅仙峯與彭致中

羣仙山上共神宮漢尉藏丹別有峯日下旂旛來碧落雨餘鐘磬出深松蓬萊秋近雲常接芝草春生手自封山木閣前閒拄杖解尋樵迳遠相從

題新喻吳氏浩然堂

古木澄波月色新高亭携手兩幽人畫窗樽俎猶清夜屋壁金絲幾暮春白髮諸孫隨草迳寒泉一掬薦

溪蘋神交何必曾親到莫望高車一幅巾

浙西憲郎武子宣監試秋闈

試官徃徃得鴻儒可以觀瀾在此書憲府優游從事後貢闈閒暇校文餘虹光西起遊湖舫雲氣東隨問俗車古者八元宣在五復明還見謁宸居

魯國趙公世悲哀詩

西北聲名世節旄簪紳特起擅時髦百年憂患神明相世務頻煩志慮勞春雨歸舟江水定秋天一作風遺劔雪山高東瞻松柏分茅重盛德終聞有顯褒

早歲江東接令儀中朝晚得近論思永懷王母傳經訓直保孤忠結主知經濟尚多遺策在勤勞空復大

名垂每翻翰墨神交遠惆悵西州鼓角吹一作悲空野大
早歲出東故贈奉議大夫太常儀禮院判官廬陵范
雲山高東公哀輓

名家積行子傳經夜接風雲對大廷一日文章驚海
內九重恩錫賁郊垌奉常天上新題字處士江南舊
列星何事瀧岡遲有待翰林翠琰倚香亭

題楊友直步鶴圖

羣仙玉殿早朝迴獨向空山步紫苔雪色羽毛千仞
下天門風露九重開碧梧空老人間實瑤草元非世
上材真侶相求寡廓去徐行更待鳳凰來

春雲亭

石上春雲向晚生隨風暎日在簷楹莓苔翡翠千年
潤芝草琅玕五色明鶴為迎仙香冉冉鹿能留客露
盈盈深紅重碧長千斛細詠清歌奉泰平

題鄱陽胡仙伯活死人窩

大海何曾著死人縱饒得活也逡巡中黃土底埋焦
穀太白星前掃幻塵銀漢槎頭成恍惚布帆船子弄
精神太平歌裏無生滅惟有胡笳拍拍真

寄題鄱陽李氏適軒

豫章出地已千尋仙李盤根接翠陰曲水橋分雲錦
麗老人星見華堂深衣垂五綵看春舞劍化雙龍聽
夜吟借問高軒何所適一門眉壽里人欽

酬書巢送雉尾拂

一帚千金輯雉翬巢公乞與掃塵扉凝膏不食慙金
鼎畫采為章憶聚衣宮扇每開春日麗城旌常拂曙
星微諸緣隨起隨除却祇有無臺月鏡輝

會宗海藏主來江西一日山雨稍涼同溲

安枯石見過復有還淞之興書偈為別并

東一闕大士同發一笑

試問師歸何處尋稽留峰下白雲深長松正並樓臺

秀流水長交鐘磬音貝葉幾行西域字寶珠一片祖

師心天香桂子人間滿擬約高秋一醉吟

送文學隱上人

西江春漲欲浮天擬覓何方一味禪渡海晨鐘雲外

寺乘潮晚飯越中船鉢分龍腦天香近茶汎玻璃雪

乳鮮文采已彰那可隱芙蓉出水正華年

送劔江復見心上人游徑山

臺山薦直勿岐差雙徑峯前路不賒若有劔光衝北

斗更愁帆影落誰家曲江水暖花千樹古道秋高月

一樣記取題詩相送處鷺絲和雪立蘆花

重贈復見心游浙兼簡張貞居

春雨西江漲百川袈裟又上浙東船行尋龍臥雲生

徑坐聽猿吟月浸泉客裏有詩煩為寄山中何法可

相傳故人或者詢張拙鼻涕垂頤雪兩肩

賦文子方家簞簞亭竹影
數箇簞簞一小亭南窓承日印寒青水精簾裏珊瑚
樹雲母屏間翡翠翎却愛微風動蕭瑟翻疑薄暮倚
娉婷憑君縱有鴛溪綃莫與空花結定形
憶昔竹枝皆楚歌何曾舞影見婆婆玉山雲氣了然
是湘浦雨痕空復多環珮因風猶錯落旌旗拂日轉
委蛇白駒皎皎誰能繫霧閣雲窓奈老何

梅庭詩為李重山賦

高人獨愛寒梅樹相對庭中作主人盤谷泉甘來素
履長安日近接朱輪瓊瑤比德懷新好鐵石為心憶
老臣傳得朝紳詩恣好揚州何遜久逡巡

送戈伯敬東訪伯循御史就遊京師

扁舟重訪瓊花館使者還裁豸角冠定有薦書天上
去豈無懷綬郎中看宮牆隔樹聞鸞轉朝路聽鷄上
馬鞍頻寄好音傳父老鄉人總解望長安

與侯頤軒

道士侯頤軒其先本蜀人父
府君來吳中守亡弗歸頤軒乃學道于洞庭之
仙壇觀集來省墓嘗抱先叔祖岳陽使君遺書
與閒白雲來見集不勝感歎故贈之以詩

洞庭高士成都客曾是相從大父時每抱遺書嗟往
事復貽妙句樂新知鴛鴦影裏心元靜鷗鷺盟邊願

不疑但得閒身各安健白頭歸共橘中碁

題商德符蜀山圖

每愛商公寫蜀山蒼崖直下竹林間錦城雨後江沙
白劍閣霜餘木葉彫何處揚雄池畫墨誰家杜甫月
臨關釣鼉海上天空闊待得仙槎一往還

道園續藁卷之三

道園續藁卷之四

絕句五言

漁樵耕牧四詠

漁子正垂綸烟江曉色新舉頭看疊嶂那識武陵人
我本青城樵偶然嬰世網谷口夕陽收高歌與長往
淋漓春雨足綠野趁歸畊尚有泥塗者山深獨自行
寒林有歸牧隱約牽黃犢一笛晚風清吹成太平曲

題子昂五馬圖

虎革裹干戈華陽春草多天閑五龍子隨意浴晴波

趙大年小景

野老江頭住重重落木坡驚鴻隨雪起獵騎晚相過
江上稻梁熟滿川鴻鴈來飛鳴各自適落日在高臺

題黃西麓扇

石上松千尺橋西水一灣杖藜從此去隨意看青山

題柯敬仲雜畫

玉立一長身風前倚翠輦茂陵頭儘白賴有李夫人
舞影寧三月歌聲剪雲恐隨風力去留取翠綃裊
江波傳雨意山石長雲根琴瑟分清潤階庭列子孫
冰解滹沱動雲分碣石開漁竿秋鳥哀還見渭翁來
不見丹丘久驚看翰墨香永懷書閣舊春日繡簾長

子昂桃花馬

一匹桃花馬飛來不動塵銀鞍鞞教好賜與虢夫人

題馬學士詩後

雨露春無際風沙盡日寒多憂能賦客空老采詩官

京師秋夜

風竹撼秋聲天寒夢不成如何今夜月偏照客窓明

題雜畫二十八首

花萼立清晨鶯黃向日新金盃盛玉露偏醉蜀鄉人

萬木空山白芍藥

金鼎和芳柔灤京已麥秋當塔千本玉看不到揚州

翻時多刺海棠

睡起多情思依稀見太真一枝紅露濕似憶故宮春

金鼎味苦山茶

萬木老空山花開綠葉間渥丹深雪裏不作少年顏

芙蓉黃向日

丹霞覆苑洲公子夜來游終宴風露冷折花登綵舟

荷花

澤國三千女西風擁翠寒誰能却高蓋正面與君看

著色竹

高節琅玕直長梢翡翠低東風數根笋早晚與人齊

著色蘭

采秀此山間風來翠被寒三清降瑞露盛以紫瑛盤

墨蘭

霜風委萼刺獨秀騷人國世多色自媚吾玄尚吾德

玉韞不自獻清高伴幽人芳榮此時來中有無邊春

子猷訪戴

半夜輕舟發清興豈在雪不見主人翁來往謾騷屑

曹溪昔有客無來去何速祗緣相見後乃為留一宿

蘇李泣別

落葉滿長安秋風漢節還裁詩寄歸鴈三月到天山

西子遊湖王宮

步屨微風動停橈落日低夜深歌白苧咫尺越來溪

蕭史鳳臺

明月在高臺雙吹紫鳳來天高風露冷銀燭畫屏開
夢尋巫峽雨雲入楚王宮何以永今夕倏然隨曉風
斜月在闌干疎花共歲寒同來携白鶴不似玉堂看
老石為誰媚幽花兩清麗春深不見人聊為五禽戲

雪茶雙雀

玉茗深宮裏春妍帶雪殘可憐五色羽相並不知寒
雪羽兩飛鳴輕輕不自驚荷盤滿載露更立不成傾

梨花散瓊

剪水作梨花東風日未斜不馮青羽使那望五雲中

荔支山鼠

紅塵八千里始得薦金盤汝點獨無畏輕紅啄曉酸

並鵲

雙玉報朝晴花梢墜露清永懷書閣舊春日綉簾明
狡獵上林苑回身太液池白雲去不返雪影下荒陂

戢羽橫烟暮遺音折葦秋衡陽千頃水分曲一荒丘

夜雪軍聲急春池筆陣高波清翻苗掌沙淨卧霜毫
 亂嘒疑將鬪能言故不烹秋江寒並影春水綠同生
 依約米家船疎林泊暮烟新詩吟未了槎上釣江鱗
 天地一醉鄉今古有誰醒拚死劉伯倫令人發深省
 衆芳非不多金石好兄弟雜佩以問之春風接襟袂
 題何玉泉錢塘詩卷後何精地理術
 青山到海盡神氣欲天浮寂寞春陵叟蒼梧雲正愁

地寶不敢愛人工毀天完開闢大呼噲生氣方盤桓
 楊友直湖亭

東湖亭子上太守醉時歌為問花千樹何如洛下多

題江山烟雨圖

千村春水方生萬里歸帆如羽不知誰在層樓卧看
 江南烟雨文章如此慘澹經營者誰希微那可致詰色空
 不加子知

江潭木葉盡落巫峽竹枝更長剪取微風疎雨橫吹

殘月清霜蓋
石帶苔而蒼翠
竹垂雨以珠璣
藉玉五紋之組
析旌六羽之翬

蕭蕭文帝趙承旨蘭石僧日觀蒲萄

天人漱凍芳潤野老沉吟屈蟠南國烟生玉暖西涼

酒熟霜寒趙承旨畫松

灑霏烟之餘馨見蒼龍之一體木林紫髯之如戟激清

風而直指

題聶空山扇

客來山雨鳴澗客去山翁醉眠花外春雲藹
竹邊

秋月娟娟

道園續景卷之四

殘月清霜
石帶苔而
六羽之聲

天首開餘
酒熟

道園續藁卷之五

絕句七言

次韻竹枝歌答袁伯長

雍虞集 伯生

新伯長歌竹枝以促歸棹且言僕故鄉與竹枝古調
對相近約同賦以發它日千里命駕之意因用其韻
江水江花無盡期安得同舟及此時燕山春鴈更北
去南人休唱鷓鴣詞承恩對畫留青
竹枝歌奉陪諸公送舊而歸暮聞短歌江
上其竹枝之遺響乎因成四章只具首
江上婆婆作大招行人見者為魂銷使君若愛桐江

住莫道上江無暮潮入
長春為賦離外
古詩受賦
銅雀臺中朝暮思
寒帷作伎望君來
江頭只是須臾
別何處多情更有詩
別語公意
暮間
憶奉君歡伎未成
不承恩澤儘留情
凝思却恐傷明德
不敢人前哭失聲
同舟又地
却燕山春
使君魂魄已飄風
那復恩情更及儂
自是人心難冷
暖不辭江水
濺衣紅

題秋日蜀棠

野棠青子來青鳥
霜日清妍欲近人
忽見嫣然紅數
萼故鄉情思不勝春

摘芙蓉

明月丹霞是鏡湖
綠茵隱約錦模糊
西風滿地吳王
醉卧看樓前教戰
面

見叔父南山翁

先君萬死抱遺書
付在諸孤手澤餘
老眼欲枯那忍
讀春霜秋雨一卷居
奉承家祭若持危
敢謂冲和在此枝
館授淒涼勿惆
悵百年門戶豈吾私

眉菴自賦

家近眉山六十里
晴空長見掃脩眉
老去思鄉歸未
得故題菴子表新詩
幾見雙眉采石亭
如今頭白眼猶青
昔人一去不復

返聊寫山川作畫屏
今願白頭蘇青昔入一去不歸

橫塘寺留題

扁舟風雨暮投僧
策笠敲門七尺藤
知我自來無所住
一龕留共佛前燈

洞庭湖

楚澤吳山千里遠
丹崖碧樹九秋高
何由身似雲間

鵠橫絕江湖一羽毛

晚過金山

雲連山樹樹連村
數筆元輝水墨痕
吟苦不知身入

畫更添白鳥破烟昏

趙承旨躑躅畫眉

山鳥春深不自由
曉聲併作杜鵑愁
東風絳筆都題徧
不到離鸞桂影秋

宣和馬啣

凝神殿裏晏朝回
閒繫青駘照紫苔
一日長安春事老
可能無意看花來

王朋梅東涼亭啣

灤水東流紫霧開
千門萬戶起崔嵬
坡陀草色如波浪
長是鑿輿六月來

方壺臨董元山水

雨餘千澗共潺湲
老樹橫橋任往還
盡日春雲生不
斷道人共對董元山

西清閣老薊丘翁愛寫踈篁弄晚風玉殿不扃秋夜

冷好看棲鳳月明中
書帷晝捲下西清
竒石幽篁步晚晴
誰憶他年風雨

外渭川蒼玉一絲輕
寄張伯雨
湖中春水白鷺羣
長齋默朝三素君
揚許寫經屋滿

雪人間長史冠如雲
寄薛玄卿
碧落曾看沈侍郎
旋簪冠玉謁虛皇
風流外史渾相

似澹月踈星上建章
無限江東日暮雲
天宮說法夢中聞
散花得見文殊

相雪藥玻璃手自分
寄恩斷江

娑羅雙樹曉森森
曾對袈裟坐綠陰
十載雲門那得
見若耶溪水向春深

揚州何處好吹簫
海闊天空碧樹遙
故遣湘江孤鳳
去長吟休負月明宵

寄王本齊
寄幹克莊
為懷同館西河客
不寄駝囊枸杞紅
豈想往來江海

道園詩五

上虛憑歸鴈問秋風

富幹克莊惠白氈

白氈裁成鶴氅衣大茅山下向秋歸故人淮海應東望雪影翩翩入翠微

別樊玄圃

郭西山路有寒梅想見登臨首重回夜聽雨聲知水長滿船明月幾時開

恭華道院納涼

陳郎大扇大於箕欲使清風四海知應是蓮花峰側畔捫天仙掌舊携持手持道書入山館長林無人月落半松花拂衣清露

深長嘯他峰起巢鶴

松風滿天山月高躡雲一似駕海濤不知身是浮丘

伯細哦四言吹鳳匏

虹玉通天闕夜章不畱榻上付仙郎一時誰解騎雲者乞與龍瓢灑下方

書蘇公帖後

蘇木空聞蜀賈舟襪材還復望袁州畫叉猶是黃岡竹細和陶詩飽即休

坡翁謫黃州時月用四千五百錢日用不過百五十而猶有餘以待賓客蓋歲計六十千耳今謫惠計歲用湏二百千蓋三倍矣日食萬錢者

何人哉士君子不以窮乏累其心而區畫亦盡
人事皆中理之所為也夫子在陳蔡以子路之
賢不能無愠見然處約之道君子小人之分見
焉微子路無以發聖言矣觀蘇公此帖思當時
之為此厲階者為之三歎云
書先參政與黃浮山賦紫薇堂上列芳樽當時高興無人
春服初成念子孫紫薇堂上列芳樽當時高興無人
會兄弟通家尚未存

書晚宋諸名公題墮淚碑詩後
峴首亭高故國詩飛一作龍無復更驅馳諸公盡向江
南老遺恨長慚墮淚碑

題宋淵聖宸翰

倉皇內禪計全踈貞幹其如積蠱餘不敢身先君父
死數封慈殿問安書

跋劉光遠湘川行藁後

白露橫江木葉秋故人相國况同舟賡歌自是當時
體不與漁人共暮愁

書子昂延祐間墨蹟後

奏伎宮中感遇深一時千載託微吟主家歌舞今誰
在為疊春衣淚不禁

細柳飛花拂曉風步隨輕輦過橋東道傍石馬迷芳
草百轉流鶯入夢中

曾學知章乞鑑湖恩深無分得尊鱸扁舟一棹頭如
雪芳草連天路欲無

吳興公所書出師表

心許驅馳奉至難書成揮涕試師千卧龍菴裏閒風
月惟有幽人字字看

訪漑之不過書壁

城南不逢李太白壁間獨見蔡真方池古石淨如

玉野鶴隔窓長似人

丁卯禮部考試次韻

先朝親擢搃真儒列坐春官席不虛白首子雲天祿
閣校文寧媿食無魚

禁城鐘鐸已隆隆把卷猶看燭影同願得真材充國

用庶聞質行化澆風

憶昔坡頭接錦袍深堂披卷効微勞三年重得同清

夜宮燭風簾見月高

袍鵠鏘鏘赴曉闌分瘡陳藝別東西憑教紅杏休開

徹早晚開關蹋雪泥

固陵寒雀圖

蕭條微命出蓬蒿飛躍無踰四仞高阿閣鳳凰那類

此畫渠能使聖躬勞

聞子規

花落故園聞子規春眠未起畫簾低常年五月居庸

道愁共行人聽亂啼

自述

每懷衡岳讀殘書似憶青城舊
隱居萬一天恩憐賀監勅令何處結茅廬

東家四時詞

臨流洗硯見長身白苧寬衣短葛巾
紈扇自題新得句水亭分送倚欄人

摩挲舊賜碾龍團紫磨無聲玉井寒
鸚鵡不知誰是客學人言語近欄杆

澄波千頃擁高鬟手折芙蓉月下還
解憶高堂風露冷衲衣先送碧雲山

賀雪宮門上表歸貂裘猶帶六花飛
海南新送收香

鳥轉覺清寒入翠帷

絕句

城南尺五野人居六月清陰八月如
一色琅玕三百箇猶堪裁作殺青書

金丹五頌

靈槎八月自天來瞻望初陽歷斗箕
白鶴青鸞相對引九霞光裏識真師

手把金鍼徹夜縫鴛鴦繡出錦機空
萬人如海誰親得製箇新袍似日紅

桔槔軋軋曉烟疑破帽籠頭只自知
重為祖翁添註

脚可憐喫苦為孫兒
等閒拈取一丸泥補破扶衰信手為不因混沌擲落
地問君那得火龍騎
海上三山一迳微半間茅屋隔烟霏詩成應有題名
處月裏長懷玉雪輝

寄金蓬頭道人

喧寂隨方接有生豈將欣厭係高情一瓢玉井清冷
水霜月晴虛候履聲道人聞步聲知某客至

劉正甫周孟瑄游華蓋回見訪
緱嶺吹笙月色新玄都幾度碧桃春
翻如雪雲林鶴雙引黃茅訪野人

贈毛拱辰

袖有題緘二十年携看存歿重潜然神仙果得長生
者合是身逢某宿躔

贈蔣子中

東州春水漾晴波誰序新分進士科好種梧桐千樹
碧湖邊人識鳳曾過

送夏大之教授還鄉

禹憂洪水稷憂飢千古悠悠兩鬢絲誰與山鄰同白
日行雲流水赴幽期

應物紛紛興自高不知官服是何曹歸歟耆舊遺聞
遠莫憚登門弟子勞

題黃晉卿上京道中紀行詩後
少陵入蜀路嶮崎故有淒涼五字詩供奉翰林隨翠
輦應同調不同辭

題開元宮來鶴亭
羣真終夜降華陽曾聽仙音近玉床語罷是誰留別
鶴待君寥廓共馳翔

亭前春雨長蒼苔海上長鳴一日來從此琴心三疊
裏月明長見影徘徊

題明復菴

玉臼擣霜月當戶竹窓映雪書滿床客來竟坐不交
語自撥丹火燒山香

皎皎霜鶴立齋厨蕭蕭風竹鳴庭除窓中有客自高
坐堂上真人方讀書

清臯舊隱

春雨初收水滿田邨邨桑柘綠生烟隱居聞在東臯
上長見沙頭呼渡船

題贈葉梅野有序

近代楊補之作梅自負清瘦有持入德壽宮者
內中頗不便於逸興謂曰村梅補因自題曰奉勅
村梅集嘗見故家有歲徐熙墨杏花者用筆員潤
有篆籀法亦恨楊不能知此也今監書博士丹丘
生忽用此法寫生大快人意存渾厚之意於清真

去哀陋之氣為纖弱所以為佳也譬如少陵繁花
晴昊之雄壯視昏月淺水為如何耶樂平鍊師葉
凱翁舊號野梅予曰以野標梅未足盡梅之趣以
梅名野庶乎廣莫之風請更曰梅野而以丹丘之
畫冠之永作證據使錢唐臨江二君聞予此論猶
當俛首歎服也虞集書

昔結絲絢侍帝宸青鞋今許向江津憑君先對梅花
說白髮相看意更親

初凱翁先欲南還欲僕作詩送行而僕今先有
行色故為題此為他日一咲之資也

如如齋雜題

湘江風捲白蘋波北渚雲深帝子過欲採瓊芳渡江
去翠衫輕薄晚雲多

江上青山生白雲鷓鴣啼處有湘君行人來截昭華
館日暮青林玉氣分

趙師舜所藏雪竹圖

鳳凰臺畔竹漪別出參差玉一枝閱盡雪霜心似
鐵高風惟許歲寒知

西村山水

一段雲山一段秋寒驢尋壑更經丘他年投老終南
去應向松間覓舊遊

西湖畫景

五雲樓觀日華東每蹋紅塵氣若虹誰道小橋流水
外數竿烟竹弄秋風

蒲萄翠帳絡明珠前列千葵旌節如應有南柯殘夢
在一池鼓吹夜涼初

鳳凰臺上池塘秋晚
華蓋仙人漢殿臣厭朝朔望往來頻上方畱鳥秋江
畔只有雙鳧卧白蘋

天藻亭舍下生竹枝
堂上不合生楓樹舍下何緣穿竹枝人間風日不到
處長養鳳毛當及時

青山白雲

獨向山中訪隱君行窮千澗水沄沄仙家更在空青
外只許人間禮白雲

僧巨然山水

晚烟橫樹轉溪灣何處漁舟罷釣還門外東風吹雪
盡幽人同看巨然山

畫竹

不見高人王右丞岐陽石刻尚清真鳳毛染得春池
雨數尺新梢已過人

題戈叔義墨竹

江頭雨裏寫娟娟更作新梢入晚烟還有數竿題未

徧龍吟清夜渭溪邊

留題龍門寺

頻採菖蒲石礪濱住山不厭亦無嗔先生尚有貪生
意更憶松花問道人
枯木寒巖絕色聲吟詩亦足未忘情不須更問臨川
叟作得胡笳幾拍成

題周東陽進士為南郭園林記後

南郭名園絕隔縣好添花竹及清時歸來未老柴車
在百里尋春定可期

寄謝臨川王正則錄事

少陵不待草堂賞風雪空簷話舊思別去幾時春夜

暖五峰燈火馬爭馳

酬吳子高

諷爾宮詞十二篇小窓風雨正蕭然悠々春夢無歸

著黃竹遺墟雪滿天

題魏雄卿齋壁

晝雨瀧銀燭懸秋聲滿屋陸成川赤髭大士譚經

罷白首尚書草太玄

題畫

黃葉飄零澤國秋烟波無盡使人愁騷人欲賦湘妃
怨折得幽花寄遠遊

南浦菖文蘇財一賦中山雨衝雲暗

魏公幕府多豪俊文雅相從一舸中山雨浦雲都寫
遍湖東更有灌園翁

黃葉歸柯博士畫

拔地參天獨老蒼幾年雨露更風霜新篁搖動多生
色更待空庭月影長

千年老蛟化為石蒼蘚枯槎角三尺亭玉立好兒
孫長倚天風動秋碧

秋江

欲採蘋花隔遠汀舟橫不渡倚空青何由得似雙鷗
鴻長覽秋光共畫屏

紅蓼雙鳧

五湖烟雨一扁舟
汎汎聊忘去國憂
寂寂愛數枝紅蓼
畔一雙文羽伴人愁

畢公濟掀篷梅

摘葉拈花夢不分誰能健步覓晴雲
不須更待掀篷看全體東風舉似君

題王

所藏歐陽文忠公遺墨

盤谷尚存初刻字淮西無復斷碑痕
瑯琊幽谷花如錦恐有遺書卧竹根

雙禽

天上碧桃春冉冉人間翠竹晚娟娟
雙飛不是青衣使何處東風一信傳

臨王摩詰舊竹

岐山鳳去已千年遺跡踈林翠羽鮮一段風流何處似終南秋色晚晴天

千枝萬葉翠交加影落殘碑月映沙侶是前身摩詰在紫薇花下角巾斜

楊補之蘭

九畹參差紫玉叢清江健筆捻春風大夫宗國多憂思手把瓊瑰送斷鴻

商德符畫

曉陪劍履上嚴宸霜葉青紅日色新誰見江山烟霧起行吟澤畔老靈均

子昂古木

洞庭木落楚天長澤畔行吟最斷腸可是曲終人不見丹楓離立照滄浪

子昂墨菊

落木踈籬事幽流傳摹刻使人愁滿城風雨歸來晚真見吳興一段秋

畫梅風雪老嫩四首

繁花千樹倚晴空不比踈枝冷雪中只為玉堂天最近儘將才思付東風
老身如鐵心如水平長與空山積雪期待得紅塵吹紫陌羣僊歸去已多時

綽約肌膚迴出絕一作塵摩挲浮銅狄是何人已看天上千
年雪不作人間一日春空山靜雪賦青巖翠壑如蒼
門戶重重玉數枝娟娟靜好稱家兒舊時東閣多能
賦說與揚州何遜知賦中只為玉堂天氣

畫馬風雪詩四首

魯史曾聞兩肅爽開畫一見若龍驤驕嘶飛逐落花
去沙草青青塞柳黃

次韻王繼學題太乙

山木深深晝掩扉時從高處望雲飛幾番春雨還秋
草送畫孤鴻獨自歸
共騎黃鵠過蕭亭明月華星列畫屏記得當時祠太

乙安歌疏節玉充庭

送紫高士南遊

遍入名山採紫芝只餐秋露已忘饑東南際海羣峰
盡欲向羅浮更覓誰

贈傅與礪

水玉空青不易求蘭苔翡翠擅清秋才情豈是人間
少不到高唐夢未休

贈盧生錄詩

盧生來寫老夫詩老去深慙與世違華蓋白雲三兩
句只堪獨詠莫傳知

題范德機墨蹟後

凡骨蛻餘清似雪高情起處一絲輕玉堂只在人間
世回首蕭閒愧後生

庭前嘉樹種來遲霜實經年未墜枝寄語巴園好相
待商山更有一盤碁

幽人歲歲送松花指與吾人老已加欲學彭翁年八
百鼎盛金粉養黃芽

仙馭東行應望霓吏民迎拜若雲齊到城慰滿三農
意喜雨亭成太守題

題表姪陳可立雜畫

山崖截澗嘈四圍芳草亂青袍中間有箇支離

木曲折無知壽最高

蕭蕭翠羽動晴虛知是南山長鳳雛莫道玉階風露

冷要看千尺拂雲衢

清江江上倚扁舟寫得琅玕一尺秋歷徧風霜如鐵

石世人偏識老湖州

螭房如山禦潮沙鐵網珊瑚浪中出何處龍孫好頭

角亦玩明珠美風日

南枝楚復娟此樹枯槎更可憐石角莫令牛礪

角樵翁醉後枕渠眠

高柳金絲積雨晴
桃花灼灼隔溪明
尋源若是忘機者
鷓鴣不驚鷓鴣
百頃汀涵落日明
稻田閑水與隄平
白頭想見荒陂去
無數鳴蜩管送迎
江潭木落鴈初飛
已有秋聲動碧虛
似是洞庭張樂地
微風鷺翮立疏
雪滿高林水滿疇
冥鴻亦為稻梁謀
此時最憶江南岸
一色蘆花著釣舟
玉色臨池靜不言
翛然翠袖共黃昏
玉堂清冷無人到
且對江南烟雨村

贈朱本初

霜雪摧殘澗壑非
深根千歲斧斤違
寸心不逐飛烟化
還作玄雲繞紫微
珥貂鳴珮入明光
新墨初成進御床
草野小臣春夢短
猶懷染翰侍君王
延閣晨趨接佩聲
又紆朱紱向江城
丹心要似東陽水
釀作宮壺徹底清
回山中每夢之
長盡此書卷
頗愛燒香是鼻塵
不應緣顛又勞人
方床石鼎過清晝
一縷山雲伴老身
容具知登熟
亦福能衣
葛子熙欲往吳越
售長安諸碑以危
太樸書來求詩書
尾餘空尚多紙
佳極宜於書不忍
剝絕之因題此詩
贈子熙兼寄衆仲

提學亦欲故人知吾得太樸也
 子熙養母極艱辛馳走東西又幾春我欲相留田舍
 近白雲不足療清貧
 漢唐妙剌出長安誰贈茅容具晚餐應有醉翁方集
 古千金不惜買琅玕
 浙都提學三年別我向山中每夢之定是盡拋書卷
 却綠楊紅杏樂清時
 流求窈窕窓中畫檣杵蕭條袖裏書
 雪蓬萊海闊自晴虛
 子熙三歲而孤鞠於舅氏長而為養甚至獨恨
 貧耳然苦節亦難能也虞集書

寄朱環溪

賢郎肯為諸生出不厭闌干首宿盤為有平安花竹
 報齋居日日共清歡
 高堂脩祀灌園翁白髮清樽見古風曾得遺文窺隱
 德猶今視昔後人同

悼亡

買臣不縮會稽章并白終身愧孟光縱有他年千石
 酒寧如當日一盃漿
 地中代我奉慈幃一去無由再見之欲覓音容須夢
 裏先生無睡已多時
 十載思君久別離歸來忽作死生期孤鐙夜雨深深

坐正似燕山恨別時
未幾燕山恨別時
比似燕山恨別時
鬢邊添得雪絲
租今心事真如水
可得才情更賦詩
去無由再見之
俗真音容更

次陳溪山韻

山深松竹俱成老
溪迴蒲荷各自花
隨分樂天無一事
假求齊物度南華

枝有蒼筤實有梧
何年鳴鳥下晴虛
惟應長共希夷叟
日對朝陽浴海初
清渭終南路
窈冥漁磯樵徑草
還青山中雨
足黃梅落獨為相求出戶庭

維摩文殊

城裏普熏香
積飯室中同供妙
天花清涼山上千年
石猶結慈雲
候翠華

達磨

萬里西來言不契
九年壁底影為雙
等閒風信生蘆葉
雲散青天月滿江

何奉議子路問津圖

日向雲壇詠莫春
無言可以諭天真
堂堂正道行將去
勿傍他門別問津

荷蓀圖

道上相遭荷蓀翁
殺雞留宿甚從容
如何不及乘桴意
更待重來果不逢

李陵別蘇武

老羝已乳鴈書傳去住初分哭向天
明日節髦歸漢地將軍應是獨潸然

義之觀鵞

剡溪春雨曉生波道士扁舟肯見過
換取黃庭歸別館人間長憶鳳文羅

孟浩然

風雪高堂破帽温七人面裏一人存
昔時耆舊那堪論獨釣槎頭最斷魂

和靖行吟

擁鼻微吟午夜清心空與月合圓明
無端却作梅花

想着影緣香夢不成

陶穀烹雪

烹雪風流祇自娛高情何足語
家妹果知簡靜為真樂列屋閒居亦不須

醉翁亭記

醉翁四十謔稱翁賓客相隨樂意同
前引朱衣垂白髮花開山谷幾春風

原泉記

九天飛瀑下巖幽去作江河萬古流
倚杖不知春雨過青山如洗暮雲收

贈王自得

江上秋風日夜深丹楓烏柏搃堪吟可能阿閣承朝
日玉作參差學鳳音

送余道士

憶昔遊京最少年等閒詩句被人傳君今似我當時
面玉雪春風上客船

諸老愛賢飢渴如才華誠美豈容虛子當徑上蓬萊
閣徧讀人間未見書

應有多情問故人為言溪上上船頻春來雨過清如
鏡照見蕭蕭白髮新

延祐三年過金鴈欲訪諾公以王事不果

今二十年

昔禮巖頭諾詎羅寶香猶在石盤石陀上人幾歲離金
鴈海月江雲弄碧波

寄謙上人

不見謙公二十年石橋依舊駕晴川定應和盡寒山
集儻許人間一句傳

寄曇芳咲隱

優鉢曇華一度開梵天帝釋自拈來人間讚嘆那能
盡慙媿文殊大辯才

寄光雪窓

杪羅軒中少塵事恩公昔共兩青藜只今主人相憶
否風雨扁舟覓舊題

杏風雨宿天寧寺

大室千函貝葉書
踈篁幽鳥在庭除
道人久不到城
府愛此渾如澗谷居

閒白雲上人自吳中來訪表姪陳可復畫
其像因題之曰

徧繙寶箴書
垂簾三載歸來白髮添
萬斛春泉盤石
坐龍宮又擬借華嚴

題馮九淵墨龍

曾乘雲氣九天行
振鬣揚鬚看海岳
驚變化已隨雷電
遠作成霖雨慰蒼生

題了堂上人所藏雲屋圖

鎮日秋風草屋歌
海潮聲上接天池
白雲捲盡青山
在衲被蒙頭恣不知

題袁誠夫所藏山水

十百相連底處山
雨雲時復到人間
山中草木自寒
暑長與幽人相對閒

海外誰云更九州
駕言從此汎扁舟
垂綸未必悠悠
者帶雨看潮散暮愁

墨梅

霜月清江一棹過
誰將長影照寒波
浮雲日暮長安
遠莫羨宮粧掃翠蛾

善對春書狹兒桃
一樹餘芬只不羣
靴前對對開當日

書樓春晝雨繽紛一樹桃花思不羣彈指樓開當日
面莫教童子是靈雲

澄江如練碧悠悠一色蘆花覆遠洲無盡春天歸鴈
急月明寒影不曾留

橫橋携手踏谿流無盡清流意自幽天外浮雲飛鳥
散柳陰猶有釣魚舟

五絃琴詩為劉子雨賦

海上微風動五絃九疑蒼翠雨餘天仲尼昔日聞韶
地肉味都忘思惘然

錦瑟無端五十絃五音繁會亂春筵不知簡易高人

意目送歸鴻碧海天

次書巢雜韻

北巷高齋滿硯冰柴門誰許小童應幽人自得延年

術不信昌陽是豨苓

坐上清樽日不虛長歌誰歎食無魚主人何物為生

計五尺危巢萬卷書

一斲金粟長靈芽不待春風自放花收拾黛煤和玉

屑昔時眉嫵是君家

客來相對飲無何客去杯羞手自和未許旁人空咲

老誰知小屋得春多

題畫

銀鼠為裘著來早八月逐兔陰山道衰草蕭蕭風露
寒將軍鬚鬢鬢一時老

天池昨夜風雷起千尺渴蛟餐石髓神君叱之不敢
去影落吳松半江水

漁樂圖

江上青青列數峯千重樓觀楚王宮為雲為雨無朝
暮卧看常年屬釣翁

捕魚圖

數罟臨溪晚不收蘧廬三尺抱寒愁金鱗自在江湖
上烟雨重重具釣舟

百牛圖

妙手精思畫百牛古來遺事恣堪求一牛耕罷無消
息野水閑田不見收

畫虎

目鏡耽耽鎮坐隅高堂白晝走睢盱良工不寫凡毛
骨驚世文章斂若無

畫鶴

海風吹月憶危巢清夜梳翎雪墮坳仙客不知猶是
畫每聽長唳向松梢

息齋墨竹

江上秋風已滿林玉堦夜色自蕭森并刀翦得瀟湘

雨獨上蒼梧學鳳吟
秀出千林思不羣
獨含春雨對江雲
平津若有歸來
劍定化雙龍起夜分

水生澧浦碧粼粼
沙際脩叢數歲春
莫怪山林疏笋
氣清芳端合屬幽人

雨竹

木落湘潭江水秋
雨痕都付竹脩脩
黃陵廟裏猿啼
夜何處能銷宋玉愁

村夜上元作

滿城簫鼓暮相催
田父村南醉未回
野廟殘燈燒未

盡霏山雨逐人來

送艾幼清歸臨川

幼清手錄唐文藝吟
誦寒鐙過夜分
秋菊春蘭隨物
轉獨臨野水拾殘雲

昱上人盆竹

霜枝一寸筍如針
亦有蒼然萬古心
還憶道人分種
日瘦筍八尺度千岑

我憶蠶蛭茨萬竹叢
吳中還見小玲瓏
居然風露千林
曉猶稱行吟白髮翁

題夢良梅

夢良墨妙近做清江時
出晴昊之繁稍以充潤

其清苦此卷乃又澹泊相遭之極者也把玩久之夢良自稱錦屏山人蓋與予皆蜀人也歲月

相望雖久寧無故鄉之思故為賦此
汀烟冉冉竹重重老樹踈花吹曉風壯遊燕薊今白

髮憶踏江船如夢中
茆簷曝日歸來晚野水荒雲誰是伴一枝已見故人

心三尺未愁橫幅短
述懷

青鞋踏遍莓苔迹萬里橋南風瑟瑟一雙白鷺也多
情隔岸飛來如送客
畫橋南畔行人立蘆葦年蕭蕭船去急雲連北闕與天

深月一作秋落西山和露白

玉顏惆悵江波隔夜夜流塵空寶瑟可憐蓬鬢已驚
風好在葵心猶向日

菱花半掩無消息腸斷城頭秋月白故園能隔幾長
亭老笛一聲歸未得

道園續藁卷之五

道園續藁卷之六

如不樂府

燭影搖紅

淮南故將軍家有歌姬才容自許善自度曲歐陽守淮陽姬為將軍顧一見公竟不及見而卒

客有為公賦此曲者民未與謝王雖刺衆中賸

雪映虛檐夢魂正繞陽臺近朝來誰為護熏籠雲卧

衣裳冷應念蘭心蕙性對芳年才華自信洞房春暖

換羽移宮珠圓絲瑩。板壓紅牙手痕猶在餘香泯

當時惟待醉翁來教聽鶯啼引可惜閒情未領但雕

梁塵銷霧暝幾迴清夜月轉西廂梧桐踈影
蝶戀花
不棠故遼主得其臣所獻黃菊賦題其後云昨日得
卿黃菊賦細剪金英題作句袖中猶覺有餘香
冷落西風吹不去二月末與楊廷鎮陳衆仲觀
杏城東坐客有為余誦此者因括隳歸腔令佐
酒者歌之

昨日得卿黃菊賦細翦金英題作多情句冷落西風
吹不去袖中猶有餘香度。滄海塵生秋日暮玉砌
雕欄木葉鳴踈雨江搃白頭心更苦素琴猶寫幽蘭譜

道園集六 賀新郎

五月中以小疾家居陳衆仲助教言乳燕飛華
屋調寂宜時連度數曲病其辭妙則聲劣律穩
者語卑適有友人期家人到官所而弗至賦此

丹荔明如火想江城薰風乍透繡簾青瑣寶篆香銷
初睡起葉底流鶯又過算幾度思歸未果欲翦冰綃
憑誰寄恐腰圍漸減愁無那臨岸曲命輕舸。涼宵
冉冉銀蟾墮望清輝千里照人霧低雲暉準擬雕梁
栖飛燕早晚新巢定妥款會少離多似我留滯文園
頭先白念琴心久為芳塵鎖將舊恨賦江左
風入松為莆田壽
頻年清夜甯相過春碧捲紅螺畫檐幾度徘徊月梁

園迥無復鳴珂門外雪深三尺窓中翠淺雙蛾。舊
家丹荔錦交柯新玉紫峯駝長安日近天涯遠行雲
夢不到江波欲度新詞為壽先生待教誰歌

疊雪鳴鶴餘音

全真馮尊師本燕趙書生游汴遇異人得仙
學所賦歌曲高潔雄暢最傳者蘇武慢廿篇
前十篇道遺世之樂後十篇論修仙之事會
稽費無隱獨善歌之聞者有凌雲之思無復
流連光景者矣予山居每登高望遠則與無
隱歌而和之無隱曰公當為我更作十篇居
兩年得兩篇半殊未快意也昭陽協洽之年
嘉平之月長兒之官羅浮予與客清江趙伯
友臨川黃觀我陳可立游東林吳文明平陽
李平幼子翁歸汎舟送之水涸轉鄱陽湖上

豫章遇風雪十五六日不能達三百里清夜
秉燭危坐高唱二三十夕間得七篇半每一篇
成無隱即歌之馮尊師天外有聞能乘風為
我一來聽耶明春舟中又得二篇併無俗念
一首後三年仙游山彭致中取而刻之與瓢
笠高明共一笑之樂也道園道人虞集翁生記

蘇武慢

自咲微生凡情不斷輕棄舊磯垂釣走馬長安聽鶯
上苑空負洛陽年少玉殿傳宣金鑾陪宴屢草九重
丹詔是何年夢斷槐根依舊一簑江表。天賜我萬
疊雲屏五湖烟浪無限野猿沙鳥平明紫閣日晏玄

洲晞髮太霞林杪蒼龍騰海白鶴衝霄顛倒一時俱
了望清都獨步高秋風露洞天初曉
掃盡風雲綽開塵土落得半丘藏拙青松為蓋白石
為床一切物情休歇幾度蓬萊布袍長劍閒對海波
澄澈是誰家酒熟仙瓢邀我共看明月。歸去也玉
宇寥寥銀河耿耿鐵笛一聲山裂三花高擁九炁彌
羅縹緲泰清瑤闕手把芙蓉凌空飛步今夜幾人朝
謁便翻身北斗為杓徧散紫甌香雪
山月來時海風不動平地玉樓瓊宇桂子飄香露華
如水自按洞簫如縷杳杳冥冥泠泠歷歷青鳥解傳
芳語太微中鸞鶴相求盡是舊時真侶。君聽取列

豹重關鼓雷千吏天界更多官府石女簪花木人勸
酒為我此間聊住高唱微吟揮毫萬丈塵世等閒今
古看空山一色青青何意斷雲殘雨
浩月清霜釣舟如葉閑渡小溪澄碧銀漢無聲玉虹
橫野斗柄正垂天北半幅烏紗數根華髮一網野鳧
飛鳥問回仙城南老樹能見幾何今昔。西華頂十
丈高花九天秋露結就翠房瑤實脫履非難凌空何
遠三咽雪融冰液辟穀神方食霞真訣一去更無消
息嘆人間長住虛空誰似一輪紅日
放櫂滄浪落霞殘照聊倚岸迴山轉乘鴈雙鳧斷蘆
漂葦身在畫圖秋晚雨送灘聲風搖燭影深夜尚披

吟卷筭離情何必天涯咫尺路遙人遠。空自嘆洛
下書生襄陽耆舊夢底幾時曾見老矣浮丘賦詩明
月千仞碧天長劍雪霽瓊樓春生瑤席容我故山高
燕待雞鳴日出羅浮飛度海波清淺
對酒當歌無愁可解是今道人標格好風過耳皓月
盈懷清淨水聲山色世上千年山中七日隨處慣曾
為客盡虛空北斗南辰此事有誰消得。曾聽得碧
眼胡僧布袍滄海直下釣絲千尺掣取鯨魚風雷變
化不是等閑竒特寒暑相推軋坤不用歷劫不為陳
迹可憐生忘却高年長伴小兒嬉劇
憶昔坡仙夜游赤壁孤鶴掠舟西過英雄消盡身世

茫然月小水寒星大何似漁翁不知今古醉傍蓼花
燃火夢相逢羽服翩翩未必此時非我。誰解道歲
晚江空風帆日力橫槩賦詩江左清露衣裳晚風洲
渚多少短歌長些玉宇高寒故人何處眇眇予懷無
那歎乘桴浮海飄然從者未知誰可。曾無
十載燕山十年江上慣見半生風雪對雪無舟泛舟
無雪不遇並時高潔斷港殘沙今茲何夕一似剡溪
歸越但掀篷數尺梅花人跡鳥飛俱絕。君不見五
老危巔浮丘絕頂咲我早生華髮返老還童易麓為
妙定有九還丹訣霽景浮空天光眩海一體本無分
別便堪稱六一仙公千古太虛明月。

歸去來兮昨非今是惆悵獨悲奚語迷途未遠晨景
熹微乃命導夫先路風颺舟輕候門童稚此日載瞻
衡宇酒盈樽三徑雖荒松菊宛然如故。聊寄傲與
世相違舊交俱息更復駕言焉取琴書情話尋壑經
丘倦鳥岫雲容與農人告我有事西疇孤櫂賦詩春
雨但樂夫天命何疑乘化任渠留去
六十歸來今過七十感謝聖恩嘉惠早眠晏起渴飲
飢餐自己了無星事數卷殘書半枚破硯聊表秀才
而已道先生快寫能吟直是去之遠矣。沒尋思拄
个青藜鞞雙芒屨走去渡頭觀水逝者滔滔來之袞
袞不覺日斜風細有一漁翁驀然相喚你在看他甚

底便扶携穿起鮮魚博得一樽同醉
一徑通幽畫屏橫翠行到白雲深處世外蟠桃井邊
佳橘別有種萱瑤圃檀板輕敲素琴閑弄奉獻鳳膏
麟脯舞翩翩鶴髮飄飄仍似舊時仙母。君看取華
屋神仙滿堂金玉此是蟪蛄朝暮五色蓬萊九秋鷗
鷗別有出身之路酒熟麻姑雲生巫峽稽首洞天歸
去任海波清淺無時何處綠窓雲戶
雲澹風輕傍花隨柳將謂少年行樂高閣林間小車
城裏千古太平西洛瞻彼泱泱言思君子流水儼然
如昨但清遊天際輕陰未便暮愁離索。長記得童
冠相隨浴沂歸去吟詠鳶飛魚躍逝者如斯吾哀甚

矣調理自存斟酌清廟朱絲舊堂金石隱几似聞更
作農人谷告我有事西疇窈窕掛書牛角

無俗念

十年窓下見古今成敗幾多豪傑誰會誰能誰不濟
故紙數行明滅亂葉西風遊絲春夢轉上無休歇為
他憔悴不知有甚干涉。寥寥無住閑身盡虛空界
一片中宵月雲去雲來無定相月亦本無圓缺非色
非空非心非佛教我如何說不妨跬步蟾蜍飛上銀
關

道園續藁卷之六終

先叔祖學士虞公詩文有道園學古
錄翰林珠玉等編已行于世然竊讀
之每慮其有所遺落凡南北士夫間
輒為蒐獵求之累年始得詩章七百
餘首皆章句在人耳目及得之親筆
者蓋懼其以偽亂真故不敢不為之
審擇也惟先叔祖鴻文鉅筆著在

天下家傳人誦其大篇大什諸編蓋
已得其八九此蓋拾遺補缺庶免有
湮沒之歎方類聚成編以便觀覽而
吾友金君伯祥乃必用壽諸梓以廣
其傳命其子鏐書以入刻伯祥之施
不其永耶外有雜文諸賦尚有俟於
他日云

至正十四年五月甲子從孫堪百拜
謹識

道園續藁

道園續藁跋

查國體彙

補其大篇大什諸篇蓋

已得其八九世蓋拾遺補缺亦克有

理或之數方類聚成編以俟觀覽而

吾友金君伯祥乃必用專語錄以廣

其辨論其書之

館編

至

五十四年五月

年錄數百拜

補刊道園續藁序後

有作之於前而無踵之於後則其

傳不永欲永其傳必後先得人斯

可也吳郡素稱文獻邦而人多好

義事有可資於世者則不惟作之

者有其人而踵之者又必有其人


若長洲陸君守道蚤從虞堪勝伯

游受其教益居多堪嘗哀其從祖
道園先生古律詩總七百餘首并
古樂府若干而无金華黃公晉卿
眉山揚公子年皆序於前金氏伯
祥已為鋟梓迄今歲久版多亡缺
存者僅三之一且糊模間出守道
以其師之故方圖補刊而易其糊

模者奄及易箒二子珩璫念其父
志用續成之徵玄序其事於戲先
生之片言半簡猶為今之所重况
其詩之大篇短章足以垂於天下
後世使人躍然而欣睹者二公論
之悉矣奚待後生小子玄之言哉
雖然若是編補刊之始末與夫守

道之不忘其師珩瑄之能繼其父
以見吾邦後先之有人而得永其
傳者是皆可書故為序而不辭
至正二十三年癸酉十二月初吉
行在翰林院侍講承德郎兼脩
國史彭城劉玄序後





程